

詩
朝天錄
清平錄

清
陰
集
三

清陰先生集卷之八

五言古詩五十四首

次韻高善行感興二首

古人不再見盛名久逾新
愚夫不自量陋議徒紛
續末照猶耿光青天懸日輪
英風吹不盡直到滄
海塵遺芳喜可攬玉樹有餘春

常憐韓退之窮居出無驢
閉門絕交游端坐讀古
書奈何光範下一朝失權輿
行道雖汲汲賦命有
疾徐吾尋遂初賦終歲守泊如

夢遊女几山

昔聞唐皇帝愛賞女几山我夢一登之鐵鎖勞躋
攀其巔誰所居玉女雙雲鬟肌膚若冰雪玉齒啓
花顏延我坐金壇殫我九轉丹不覺身骨輕兩腋
生羽翰將身跨汗漫已在彩雲間俯笑謝塵寰還
歸紫清班

次秋雨聯句韻答張內翰持國

金火遞相承風雲時際會振柯稍刀刀迷空變藹
藹屋應架董奉巾初墊郭泰夜窓開松竹晨簷殷
湍瀨數日意方厭連旬憂始大旱枯既太甚水患
又未艾昊天此殷降烝民爾將奈強暴倚北壬孤

貞悔西兌奔滾汨以蕩卷地沙之汰稽浸即眼前
稼穡亦身外巨鯨穢麟數麤鵬驚鳳噉澗涵松柏
翠陂沈菡萏瀟淋浪聽彌苦翻倒看愈沛鼓濕廢
更漏蛙顛沸等籟人事必有感天心豈懲忒民憂
盱眙食鬼責寬金帶那知行堯日復遭滔天害居
然冒井邑何處辨溝澮登城固非策捷竹將何賴
遷居逼耿亳困厄備陳蔡宗祝竭圭帛岳瀆歆奠
酹怕泄土不粘卒崩山禿薈八陣想流轉亂磧增
震盪沈思召災異本自具玉貝料斂倒私廩冗費
糜公廩華堂醉無歸赤子路有丐涉濤冒推輿馳

荆競齊軼仇讐視同胞彈炙比高翾由来自民聽
未可謂天蓋雲漢實興周匪風頌續鄒我欲叫帝
閭疇能掉日旆反風肅清霽排雲廓陰霑喜履任
折齒賀冠堪彈璫危巢復安宅鮮食厭細膾拯溺
已云幸課績寧思最陰雨倘永懷窘步終免沛豐
年是為瑞解澤未稱霈致和無異端保合惟在太
重贈趙善述赴榮川

嘗聞白月寺舊在白月山寺廢但有碑至今留孱
顏金生有妙筆絕寶鬼神慳千載費呵護字畫尚
斑斑君去教打來為我寄松關

前年春持國在安山田舍以為農山澗曲卧
病海雲邊分韻作古詩寄余未及酬和今年
余返居石室閑中諷詠愈覺有味遂追次其
韻聊以述懷云十首

拙宦恒缺祿貧窶天實為破硯不可食老農真可
師豐年足望腹凶歲亦救飢萬事在勤力勗哉毋
失時

天道有虧盈人事多吉凶君看賜蒞鹽本自寵勲
庸得喪相推奪禍福為對衡寄語同心子何不早
歸農

清江先生集卷之八
三
潺湲北斗川，岑鬱金臺山。吾廬道此間，四出無險
艱。侵晨種田去，薄暮驅牛還。偃息茅簷下，雖勞不
愧顏。

觀饁憇高壘，避熱入深澗。澗邊草木合，蛇蝎恐為
患。跌足仆且起，石齒傷我髀。雖傷無後艱，猶勝絆
名宦。

暮歸衡門，路草深藏。詰曲扶持之，僮僕摘埴費杖
策。村居亦不易，苦多恒少樂。何人不耕稼，安坐食
厚祿。

平生皜皜，口不受塵垢。澆澆嘒嘒，招衆謗寂寂。辨獨

坐琴棋携我右簡策置我左及此東窗閒頽然高
枕卧

油油禾稼盛涓涓渠水淨游鯈聚羣族投粒來相
競見人入菰叢避死各天性教兒撒豆苟愛物非
同病

心安貧不憂道在固不悔此心恒懋此吾身庶無
殆伯成終畎畝袁安始凍餒人事何口止道桑田變
滄海

季秋成萬寶四野連黃雲家家為酒醺共慰農夫
勤醉歌登古原眼中多新墳哀哉墳下人此歌那

得聞

嘗讀孟氏書大夫有圭田仕廢祿隨輟官身苦難
全今我去朝籍屏居山水邊深慚宋老父有鼎於
是體

送趙叔溫赴白川

我昔渡碧瀾遙迤抵延安回頭望京國雲暗失華
山華山不可見况見金鑾殿悠悠白頭吟耿耿紫
宮戀中心顧匪石豈以內外轉修己士女百姓惟思
各盡性行藏難自謀萬事信天命贈君無別語陳
言倘見省

追贈睦叅議湯卿朝天之行名大欽

開篋見素牋徵詩前日事愧無一言贈虛辱故人
意幽燕非遠別城南便萬里相思歲又徂百憂秋
聲裡

醉席齋贈李仲實士薰

護軍正閑居叅知適無事相逢日日飲身世託壺
裡昏冥衆醉間惟我獨醒者留我勸我酒歸時倒
騎馬

石室次竹陰韻

世路本平坦吾行自艱難思尋遠初賦未掛神武

冠今暇歸田廬暫息非久安松楸喜無恙鄰里幸
保完知識聞我至爭來共歡顏山翁惠新蔬溪友
餉鮮魚烹之或炙之一飽不願餘人生此可樂何
事久局促迷復亦庶幾從今矢不告

奉贈梧里李相公謫洪川

穎叔含羹肉君子美錫類魏公道慈孝一言扶倫
紀如何千載間事同遭反異世情不可道世事長
已矣嚴程觸隆景羸馬鞭不起辛艱動行路夫子
若無事萬嶺巖江原鳥棧危蜀門蕭條得入烟邑
廢吏民殘山深饒水石俗朴少爭喧火炕燒楮拙

豆粥充餽殮行藏莫言命死生皆聖恩人心本
自善天理無終昏好聞歌九斿不敢賦招魂

奉贈白沙李相公謫北青

歲晏百草歇北風吹更疾深山大雪中松柏亦摧
折出門道路難入門烟火絕欲往適所思所思千
里別川塗莽相隔寤寐增歎息蕭蕭雙鬢白耿耿
寸心赤九辨已無人大招誰再續平生楚辭騷今
日不堪讀

哀孤塚

爰葉四山合潺湲雙澗夾中間一破壠壠上有孤

清隱先生集卷之六
六
塚荒涼灑掃缺寂寞香火絕豈云之姐親寧是實
僚賓金輿不復御玉几付何處山月為明燭山禽
作吊客悲風松檜鳴疑聽講書聲可憐九泉下棲
槍誰知者

石室次竹陰韻二首
丑十月

煌煌白玉堂冒居羣彥先格非慕大人沃心思前
賢明主本虛受微誠難動天天恩許歸田釋負
如登仙進退各有時吾當任自然

君子貴知微行藏無後先蘇門固已高張翰豈不
賢終能保厥性乃得全其天人生適吾適何必慕

登仙莫言行路難歸來路坦然

送姜吏部復而充儋幕從事先往關西

名頌

吾方適吾適子來告行役閑忙雖異趣離別心同
惜堂堂吏部郎降精自文曲先公吾及事表裡皆
冰玉多君世襲美向我情彌篤皇華渡海來 帝
誥將遠逆家兄膺召儼得君重蓮幕青絲紫玉鞭
先望關河着是時夏景鮮桐華初破萼物色撩人
心愁緒紛錯莫崎嶇曉星嶺迢遞雲興驛炎塵復
苦雨珍重好看客

書懷贈谿谷

塵埃染我裘霜雪被我頭豈惟外貌變漸覺習性偷昔為百鍊剛今為繞指柔緬思古人俯仰但懷羞山林路匪遠進退難自由寄詩謝同志歲晚聊優游

園中草花有感

朝向雨中開暮向雨中落盛衰何汲汲榮落在朝夕浮生處世間百年如過隙萬事無不然何用長歎息

送舍弟仲靜赴尚州三首

聖主急民瘼仄席求良牧銓司究前績摘實塞其

職吾弟張王儔政出陳太丘吏負霜雪行民謠春
澤流商山君子鄉風俗冠南方濟々青衿士高論
多抑揚人情厭新闢教化宜稍稍西門常佩韋鄭
僑不毀校伯氏鳴琴地遺音猶在耳山藏白蓮寺
江轉洛東水暇日領賓從登臨豁倏報政及新
春思歸即善動

除書降瑣闥離恨起荆扉東方千騎頭恩寵實光
輝奈此遲暮別曠以六年期自從二人懷但有兄
弟隨名途被驅使兄弟復乖違頽齡懍無幾視蔭
惜殘暉王事不可留我淚徒霑衣功名亦身外

骨肉永相依歌成小馮君來歲早賦歸

時余歸石室

秋風颯然來白華吐青槐已驚歲時晚更添離別
哀別哀亦何情思心結難開至寶價易酬兄弟不
可求三人髮種種相視若憂恐搖搖一寸懷杳杳
千里夢白雲迷鳥岑明月下龍潭送君此中去思
君還獨吟

自警

聖賢既已歿遺訓在簡策潛心誦其言豁然開迷
惑孰云古今異千載如不隔良時悔虛度遲暮難
自力君看衛武公九十猶抑抑

歸石室

勵志志未効修辭辭不達收身反初服萬事一箇
拙榮進非所願投閑分亦足翛然林泉內俯仰無
愧作

次東淮中君奭所示李白紫極宮韻

端居感時節晚步隨輕竹濯手弄明月清光不可
掬美景雖在眼孤懷類獨重淵有潛鱗高柯有
夕宿念茲非吾徒誰為良夜卜緬懷千古入淳風
邈難復賢哲故隱淪富貴多翻覆寄語邯鄲客莫
待黃梁熟

申司諫功甫謫居江界還書問東坡詞此身
如雲我何居兮願下一轉語以解居字之義
綴此為報

太空無端倪浮雲無定止隨風恣飛揚一息千萬
里不自任去來何能分遠邇出處本無心歸山亦
偶爾人生寄字內無以異於此東西與南北莫非
天所使奈何世上人營營擇便利相將智力求可
笑不達理坡翁示妙訣請証平山子

哭梧里李相公

相公希代寶光價世無比沈冥百寮底栗翁是知

已遂際風雲會蔚為廊廟器察理言行間纖鉅無
不備赫赫中興績一半公所策彛倫晦以熄公手
再扶植盛朝二百年相業孰居前舊桂久愈棘玉
雪寧獨潔先王陟帝庭監茲錫九齡朝廷作鑑
砥士林仰典刑小子門墻下實庇懷與屏疹瘳還
興哀已矣梁木摧白首望梧里淚灑清漳水

哭九畹李同樞立之六首

堂堂九畹翁去作九原客
器燈少光輝夜扃無朝
夕朋友不復見親戚永相隔
惟有墳上草年年自
春色

晚翁朝中傑出，宜禁閑沈。吳州縣間中歲，秉旄節高飛，不盡翰祗役風霜疾。歎息中興際，高才竟埋沒。

沈疴歲屢積，不廢見賓客。尚有一臂健，猶能倒杯勺。酒後語益豪，往往凌八極。不復見斯人，人間長寂寞。

君詩有古色，高處出寶曆。襟懷澹無累，文字雅用力。神仙棄咳唾，世人作珠玉。千古藝文志，名懸金石泐。

少年即相託，情親如骨肉。論心白水清，秉節朱紘。

直賦命有短長時運有通塞我在君已逝天意終
難測

鬱鬱松岡側迢迢石碣曲三年阻携手一日傷伏
魄青山有新宅白社無留迹永負蒿里餞長慚素
輪客

哭柳仁川永起

柳侯今已矣令我不盡思蹉跎州縣間偃屈公輔
姿我心嘗慕侯未必侯我知千秋九原下冥漠不
可期

趙司諫仁甫妻沈氏挽詞二首

故篋彤管暗新旋粉字明白日辭陽界長夜即幽
肩空山有流水曠野無人行悲風吹荒壠寒月照
孤塋

竭誠奉君子辛勤鞠幼兒家道稍安榮奄忽人事
非兒身本清弱君子病兼衰冥冥九泉下有憂誰
得知

送鄭學士沈出宰陝川

迢迢山川遠淒淒霜霰清河橋駐五馬翔飈捲雙
旌親愛惜日短行人念王程微垣迹如掃金華阻
恩榮人情雲共變世事水同傾努力戒祗悔所期

君子貞

哭同甲任奉事子壽

名獻齡

世衰氣澆薄六十未云促况君加數年於壽豈不
足向來同甲人太半在鬼錄紛紛世上事誰失又
誰得歡笑不容瞬憂愁政溢腹吾聞黃泉下是非
俱冥漠所愛絕思戀所寶無恡惜青山作屏障明
月為燈燭但有南面樂誰爭萬年宅以此送君行
哀歌易痛哭

行年

行年六十八親故日凋喪紛紛棄華屋逐逐歸黃

壤一去不復來應知地下樂世途日以狹無處堪
駐足吾將壙垆遊速營萬古宅

金主簿李獻挽

名進

以下乙酉後

夫君素性人一生絕外飾結交幾滿世向我尤款
曲相見輒傾倒腹裡無留蓄日余會朋夷六載拘
吳域君能寄書問悃悃溢毫牘諄諄易簣際願言
意彌篤我歸訪消息前月已淪魄窵窵尚未營故
宅唯四壁念余老且病何由定一哭義乖脫驂賄
情慚動輪客雲埋孔巖曉水咽揚江久永負蒿里
錢期在他生卜

順天挽詞 五首

去年爾辭吾今年吾哭爾少亡老者存天道反常
理奇禍逼骨肉憂愁損年紀坐負撫棺哀何由揮
兩翅

爾本純孝人愛君如愛父微誠冀悟主主心反
齋怒依依去鳳池暗暗入蜚雨一斥不復迴天高
邈難訴

南海多瘴癘飛鳶墮烟霧經年老逐客性命危朝
露一夕夢大還人間永相隔可憐虞仲翔青蠅作
吊客

至哀不在文至情不在淚淚枯辭亦竭心肝劇如
燬山川杳難越白日慘無輝冥冥九泉下惟有鬼
神知

生存首丘願既沒計還違寂寞湖西土孤魂誰與
依由來堪興說微眇不可知寄語達識人勿貽君
子譏

謹和圃隱先生詩意贈孟寺正世衡

吾愛孟寺正雅操清且勁嘗觀百里任矢不易所
秉緬仰乃祖風素契托先正四海圃隱翁平生心
所獎社稷存亡際進退孰與並千秋東浦上高節

不可望梁木久已摧獨立吾安放寄贈尚遺篇子

孫長寶藏

典校令孟公希道國隱先生之友也國亂退居不仕先生高其志以詩贈之其

我公之子思誠

八我朝為政丞寺正乃其九代孫也東湘所隱居地名云

七言古詩三十五首

將赴鏡城送朴錦溪子龍出按關西

我居北巷萬事休日日卧看逍遙遊忽聞公行西
出關秋風別意令人愁欲往登門懶不起當戶張
望南山幽山鬼揶揄笑羅衣送我今朝作太守鐵
嶺漫漫長白高青霜八月周遶柳胡騎憑凌窺塞
垣孤城付與書生手國家安危在西北朝廷日夜

紆籌策黑頭仗節衆所榮青衫幕府人誰惜斗
夷險各無奈運命莫論俱努力

再次張內翰持國答詩韻

儂也攻詩老得皮費口無功同畫脂癯形吐語寒
不腴欲偕俚俗猶難宜吾子文章擅妙齡問問瑚
璣清廟姿天然神藻謝雕鐫胸中自有無限奇平
生寡與獨厚余不惜抵鵲投碑礫耽看熟玩愈不
厭悅從異人傳異書天將玉成窮苦之使出無與
食無魚增益終期任大重經綸黼黻推緒餘回唐
挽虞賢皇極豈但風騷供潤色老夫自知乖世用

抱經歸田事窮格毀車鬻馬斷往還疑問只堪憑
簡牘吾言非哇君謂何庶幾迷途不遠復

次韻贈竹陰

天門曉闢高車馳紫陌露濕凝燕脂金鞍繡軸
照耀朝罷更向誰家之水山崢嶸競依倚汗流奔
走忘羞愧吐巷逶迤路絕遐其中一鄉同無何酒
徒詞客時自至塵容俗貌看亦未始知天地自有
別烟霞隔鎖長安日孰挽而留孰推去優游逸豫
真得所自笑玄髻到霜髯耽閑嗜靜猶無厭三月
桃花夾岸飛仙源萬樹紅霏霏携君咫尺對高卧

千里何人勞命駕

再疊

數日阻携勤坐馳詩鋒忽見新
淬脂累句荒疎真自知聊煩具
眼進退之君家但有四壁倚充
棟黃金色反愧氣隘八埏視無
遐劉墻賈壘敢誰何妙年詞壇
獨先至有六能謙讓全未我在
堂下那分別所憑輿言非一日
世莫我知欲引去芳鄰舍子
將奚所雌伏還甘笑婦髻風騷
膾炙飲且獸會者九萬一朝飛
鵬翼擊水鯤沫霏驚起羣龍不
得卧紫府同隨玉皇駕

三疊

四序悠悠水共馳日車月輪誰載脂潛陽出地春
氣動林間鳥語先得之招返梅魂雪爭倚扶將黃
竹慰折愧平生故人多適遐願言不見傷如何良
辰易過老將至離合紛紛夢耶未私情願非兒女
別壯心自激艱虞日有時相邀鄰舍去當杯欲歎
非其所醜磊填膺涕滿髯盤飧未飽先自散安得
健翮追風飛穿山度壑窮林霏周遊八極然後復
歸卧不作老驥局促短轡駕

寄題完山府尹權守之壽宴圖

名泰一

權公孝性天所賦五十不衰嬰兒慕暫辭銀臺乞
外補 聖恩特畀完山府歡迎壽母備物數繡轂
文軒光滿路獄訟平反民安作春光好向慈顏駐
良辰美景惜虛度况復親年當喜惧時康邊境息
金鼓歲登公家足廩庾名區選勝芳茵鋪綺幕遠
迤連碧樹伎隊迎風香似霧銜官夾道汗成雨潘
輿晚出隘門戶大尹親扶別駕護陸海珍烹盈翠
釜金尊玉笋溢清醑鈿箏寶瑟銀鴈柱青娥細腰
踏筵舞稱觴延壽樂無伍錦袍斑衣衛和魯幕府
元侯旂節赴鄰邦使君衣冠聚東海添籌壯斗注

麻姑侍坐將天姥任教西飛白日暮高燒盡燭紅
焰吐盛朝孝理均率普一席恩榮渾雨露四面觀
者集如堵爭言此事真罕覩欲圖不朽傳繪素龍
眠妙筆頌陸顧念我累世通家故千里寄書來索
句白首餘生何時怙因君感慨涕如縷致遠由來
須大武燕石豈能光照廡安得喚得白與甫不然
孟郊並韓愈為作歌詩編樂譜禮史李程所撰云

送呂僉知德夫朝京賀至

名裕吉

西風日夜吹殘暑草歇露白虫語苦故人別我萬
里行離恨茫茫不堪訴鳴水波高遼塞長漫漫驛

路漁陽樹 皇都文物何鉅麗天下雄觀無此觀
瑞旭初升皇極門紅雲掩藹鑪烟吐千官袍笏色
相射玉珮丁東隨仰俯尚書賜衣光祿飯同行共
被 皇恩普男兒此行真所願榮耀平生再難遇
云矣 王事有程期筋力所及湏自努

李豐德義傳妻挽詞

北風振壑松栢折積雪萬丈冰十尺居人閉門行
旅反伏歟沈聲飛鳥絕此時喪車轉陰峽孝子攀
號泣成血郎君懷中抱幼稚五更獨坐雙鬢白平
生恩愛長已矣泉下音容永相隔箱奩錯亂塵土

掩虛室青燈夜漠漠
人生脩短本無常
今日君家禍偏酷

李僉知受訓挽詞

李判書汝民之子

李僉知好男兒語豪心
自小志大數還奇
試政端州清若水
參戎海戍軍不嬉
家聲無墜職事當伊
孝可尚忠可獎
三品官資半百壽
窮途得福未為
涼古靈山高松栢
深青烏卜近先人
葵哀詞不用太
悲傷浮世存亡誰短長

宋教授廷祚妻李氏挽詞

伏枕竟無藥返魂
寧有香新阡
葵日迫故宅
精靈

傷結髮夫妻中道隔人間此懷永難忘兄弟相看
不敢哭怕見西日下高堂有老母在堂

哭權秀才總

南客觀光入長安借屋獨就空舍寬馬疲奴飢旅
食艱風餐雪虐征衣單一朝卧病無人看思戀父
母摧心肝欲憑魂夢返鄉關奈天鳥路何漫漫仙
伯催呼指廣寒桂花香裏玉闌干阿翁來哭何所
見空將骸骨歸故山日月有時靈車出孤兒喚爺
寡妻攀萬古英靈寄天上百年至痛遺人間憶昔
龜亭問字時從容討論馬與班玉鏡冰壺那再得

哀歌一曲老淚潛

生未病時夢得蟬衫飄入廣寒宮桂花香裏頌秋風之句至是

開者興之

別仲靜

兄弟五人二人歿餘存三人俱白髮中心戀戀猶
恐失一日不見如三月今朝忽為千里別使我錯
莫心腸熱家貧未免徇微祿骨肉不得相依養却
羨原頭雙鵲鴝飛來飛去相追逐

吳審判德耆夫人挽詞

名百齡

夫人哭子太傷悲傷悲入骨病難醫少女十二兒
十歲夫人歿後無所依夫子鰥居夜不寐孤燈耿

耿明素帷兒牽女呼相對泣左右見者皆淚垂夫
人平生順且慈今日到此魂不知曉引喪車出都
城哀歌相輓不成聲

哭楓塢閔都正顯吉

歷數少日同鄰友親厚孰如楓塢文中表倫居三
從行出八肩隨五年長平生向人喜傾倒一言不
留心肱裡青楓溪上朝賦詩白岳山前夜博戲夜
夜朝朝不相離年年歲歲長追隨竭來雲路無參
差鑾坡玉署共論思天地悠悠時序變聚散悲歡
任轉輾白頭相看衰病俱來往踈疎意愈戀一朝

永與親朋謝無何之鄉廣漠野虛堂寂寞塵埃滿
門巷蕭條賓客斷我来酌君君不舉我来問君君
不語笑語人間那更聞音容泉下不復親春風秋
月驪江路魂夢時時遇未遇

哭李大諫昌期

故人病時寄我書使我作記貧簞谷舍思未抒君
不起孤負幽朋永相隔顧言丁寧託諸友遺札披
來不忍讀生前未聞裹飯人死後誰為動輪客君
生不愧范巨卿我死羞見張元伯君有清操如玉
雪君有心肝如鐵石君有章疏動明主擢長薇

垣獎忠直 恩波猶及九原中死若有知增感激
日月滔滔將葬矣丹旌翩翩引素帛江頭咫尺阻
挽輶東望楊山一聲哭

哭宋監司聖求 名象仁

去歲哭潛菴今年哭吾君朋友日零落在世誰為
羣君非潛菴似潛菴性直而伉清而嚴君在布衣
家計短君登貴仕家愈窘自守確確鐵與石國家
有事君可屬忠義之家不與年翰飛不盡中途遭
君家酷似重義氣生死扶持有終始臘月攀輶獨
出郭嚴風裂膚冰雪虐湖南松楸故山遠龍津水

壯人烟斷未有孤兒掃瑩域唯留虎豹看幽宅天
地無情世事非白頭挽歌無限悲

潛菴李昌期自號也

闕下臺廳偶書效古

烏臺柏雪髯翁翠葉陵霄戰霜風丹心映日朝紫
宮紫宮禁闥虛出入補闕拾遺慚昔賢獨坐寒廳
時遠望故山茅屋白雲紅樹邊

世友林君得禮挽詞

歿於羅州

六十四年如一夢人世悲歡幾翻覆少日趨庭早
聞詩中歲流離喪亂酷洪陽墳墓松柏冷洛城舊
宅荆榛塞弟兄甥舅錦水湄客裡聊將慰寂寞一

朝卧病人事非疇昔音容永相隔孤魂故國歸無
日親明却望天涯哭徵詞相挽有古事楚些哀音
不成曲

哭尹叅議定卿以冬至使朝京湔沒

去年六月使車發便面題詩與君別一葉搖搖駕
海濤萬里蒼茫消息絕十月舟經旅順口北風倒
海颿檣折魚龍呌嘯鬼神悲日月慘澹無晶輝天
涯家人望遠客可憐遠客歸何時錦囊卜宅葬衣
冠青門曉日丹旄飛破屋寂寞南山側溪水依然
鳴礧曲蒼苔落葉人跡踈唯有山禽作吊客妻子

哀哀哭向天九原永負張元伯

送姪叅判光炫安州迎慰之行

安州樓觀何寥廓盡棟朱欄帶城郭樓下長江薩
水清簷前列岫香山碧教坊四時聚歌舞華筵日
夕留賓客繁華柳京擅未獨形勝龍灣闔堪敵詔
札時從天上頒遠迎冠蓋彌西關輜軒到此駐多
時客裡無事窮清歡彩筆題詩錦綉句金樽倒酒
玻璃盆自從胡馬玉關道疇昔風流跡如掃綺羅
絃管誰復問杯觴筆研隨顛倒昨來春雲照使星
青宮寶冊蓬萊島迎慰何人第一頭阿咸才氣僑

清江先生集卷之八
三十一
向儔朝下丹墀夕飲冰西州千里道路悠火雲燒
日當晝畏旄頭掄月出塞愁努力嚴程各行李高
堂白髮念游子老阮非關車轍窮摧頰自覺宜田
里不向沙洲賦玉瓶還從石室歌芭杞忽憶昔年
放東槎極目烟波須江水

三歎 石室曉起獨坐不勝思兄憶弟戀姪
之懷賦此

吾兄今年七十四膝下扶持賴三子二子赴官一
子謫相依只有一枯竹老人雖健難獨居況遇疾
病將何如

吾弟前月赴尚州隨行只有兩蒼頭昨日倩手寄
書到疽生肩背痛頭腦烏嶺祭天消息遲安得此
身揮翅飛

吾姪馴馴質直人只知事君如事親職居論思明
是非 全心不諒降疾威緹騎臨行何迫促天涯
一去無消息

次家姪副學三水謫居韻 三首

日之夕矣下牛羊飛鳥歸巢數深藏山泉咽咽送
哀響嶺月皎皎分清光暫卧復起不成眠鬢髮須結
冰衣有霜念爾此時情無極使我搖搖心自忙

右夜卧

我恨不為萬仞壁用作風媧補天石又恨不為徂
徕松高入雲霄九千尺為鋒斬盡橫海鯨為竹力
排黃河塞奈何作此宰官身坐見世事長歎息壯
志難磨氣硯磳危途久歷躬匍匐世人惟我招不
來山人笑我藏不得我欲翱翔鸞鶴侶乘風高出
立於獨徃來五岳三島十洲上不見人間土窟與
金屋

右土窟

委羽之山高不極悠哉邈乎鴈門北春鴈歸來何

所止雄飛唯隨此棲息五月嚴霜何太早羣雛未
成心慘惻却憶江南山鷓鴣蒼梧挂樹雙飛翼丁
寧寄語百鳥羣慎莫將身託絕國

右候鴈

送日本通信使任承旨子瀟

名統

扶桑萬里無際涯長鯨巨鱣橫海波一片輕舸此
送君秋風客愁亂紛紛沒雲臺下試解纜熊野山
前初落帆雲開魚眼射波赤月落鰲身映天黑行
李辛艱君莫歎古來王事不辭難明歲春還好歸
棹握手金門一大笑

慎齋挽詞

慎部將慎部將行年八十氣逾壯歲暮雪虐風力
驚兩耳不掩頭不帽平丘石室路嶮崎木屐往來
身若飛生平酷愛盃中物受戒嚴親一朝絕不義
富貴視批糠高談出口驚滿堂不為妻子謀生理
不向世路求名利悠悠忽忽度歲月人或疑狂我
謂達一疾寧知人事非九原難起老淚揮青山相
近卜幽宅萬歲千秋有魂魄

鄭監司百昌挽詞

廣陵山下誰家葬行路相傳舊布政長組文衣暗

無光雲墨翠勻不復傾九重恩被東逝水高堂鶴
髮情何已意氣豪華捻須臾唯見孤墳月明裡

白頭翁詞

以下丁丑後

白頭翁愁心一何長歲月一何忙愁心歲月知奈
何中宵起坐空咨嗟身遇亂世百無補人生不如
死之久嗟爾白頭翁

醉後歌

歲月忽忽如飛梭人生百年能幾何胸中磊砢不
可掃三杯酒後且高歌我有一尺秋水刀直欲往
取單于頭又欲斫斷奸佞臣並與支黨行王誅又

欲倒挽天河水淨洗三韓千古恥奸臣未斫河漢
高壯志無成頭雪白頭雪白可奈何仰天長吁一
慟哭

伯嫂權夫人改葬挽詞

吾家丘嫂盛門戶丞相之孫太師後十五移天從
伯氏人道賢郎得賢婦緝纊燈前讀書榻鸞鳳和
鳴琴瑟友閨門久擅彤管美要路早登青雲仕銅
駝荊棘長安陌喪亂歸來非故宅官衙尚帶新吏
部計活猶存舊冰蘖病時誰憐兒女顧身後偏傷
年壽促磨尼山下一片土葬近爺孃慰寂寞郎君

官貴子壻顯駟馬高車隘閭閻金牋象軸誥命新
幾惜夫人不及見存亡一隔四十年世事如雲百
千變天文半夜台星圻鐵馬風塵暗滅郭江都節
義懸日月石室衣冠翳松栢遺命丁寧不可更移
就同原練時日周祔曾聞一王制延津復見雙龍
合人情休說死生異地下應同世間樂尊章孔邇
子姓覩萬代千齡永相託余生毀亂正稚昧撫頂
恩情伯姊視只今衰疾卧漳濱回首當時增感喟
哀歌相輓不成曲淚灑東風寄千里

李判書明漢挽詞

尚書家聲冠一世白洲是兄玄洲弟豈但文章五色鳳宵中八九吞雲夢我為君鳴山水絃君為我歌行路難我返西郊君出迎翩翩同看禁巒鵲歡情苦意不終日後期直指清明節日月幾何人事替君已厭世兒亦轉神仙羣居東海畔引君重叅玉皇案金門仍謁大仙伯令弟才子同追逐唯有人間後死客獨叫蒼天問禍福欲挽靈車挽不得百年淚盡清漳曲

贈別李晉州存吾

巍巍乎頭流之山危乎高哉不可攀
森森乎南海

之水粵萬重兮度千尋惟君與我以高以深四海
之志千古之心百年一日請看松與竹歲寒不改
惟此物

鄭叅判子容挽詞

去年洛下一相逢風神寂寞如枯蓬一盃未舉拂
衣去春鶯瞥眼到秋鴻大學士都御史黃梁一夢
何忽忽少年酒伴李天章四海神交張相公可憐
一時盡零落只有八十清陰翳嗚呼哀哉鄭子容

六言十四首

題石洲集後

文章世擬鮑謝蹤跡自比嵇劉落魄人間四十冤
魂地下千秋

題權僉知府楓嶽錄并叙

權公霽仲嘗游楓嶽仍求詩於諸大人先生
以徵其游又求中朝董太史筆題其顏末乃
持卷俾余續貂余既受而卒業曰奇乎哉魏
巍乎高哉世無出其上者矣夫楓嶽為東國
第一名山董玄宰為天下第一名筆霽仲登
科又第一甲第一名何其奇哉至若雲臺之
列方立乎位著者五峯公壽為第一 宣祖

之世沈氏以材諍用者嬪然成行而一松公
爵為第一弱齡名魁多士西垞公為庭試第
一鳳雛驥子奕烏聯榮月沙公為福祿第一
行世為師文世為法象村公為文行第一厚
德偉量人人推服柳川公為國舅第一清恬
自守一塵不染芝峯公為雅望第一太宰秉
文衡愚伏公為六官第一凡人之觀者覩一
奇事猶抵掌張大以為無能及焉今公此卷
乃集許多第一以冠好事者之觀之首豈不
巍巍高哉余非太真變色之人無可以繼諸

公之後顧其平生若進反退若獲反喪遂遂然拙莫與敵知余者咸目為拙中第一敢以此脩數於公之第一卷中公可笑而容之否耶霽仲曰諾遂書以歸之

真歇臺正陽寺清遊二十九年泉石烟霞自在風塵歲月空遷白首人間有累青山世外無緣誰判生天成佛一任調排後先

余亦於壬寅年間暫遊楓嶽故追憶賦此

池別坐大母挽

五男仍兼二女百歲未滿三年懿範閨門寡匹佳城伉儷同阡敦厚遺風穆爾存亡往事潛然維時

十月之晦廣埜丹旒翩翩

金教授靜厚來訪口占錄似

聖居萬疊深山扑淵千尋絕壁每憶二十年前踏
雪共看冰瀑

贈咸興林判官端 皇華吾善處於汝宜無

嫌分韻

悠悠遠別北路忽忽兼送東皇幾樹飛花野店連
天芳草斜陽

道別

白嶽成川壯濶紅粧鶴橋繁華南北相思千里酒
醒夢斷天涯

旅思

食魚不須河鯉仕宦那用金吾短棹輕舟載月春
來秋去江湖

寓興

交義彌敦三世家聲繼振一善別駕今得王祥從
此應申繾綣

屬方伯公

青樓美人誰家白馬少年何處月明歌吹濛濛盡
是關山行旅

咸興記舊

城西樂民高閣饗士留賓所於架上霜毛海鷗盤
中八帶滇魚

上令

君有元龍意氣雖親不相爾汝老病人事無常他
日佳期何處

別懷

參差揚柳亂垂高下風花無定閉門山院無人惆

悵朋游夢想

即事

故人誰訪在沒故跡難尋有無當日天曹舊郎重
來禮部尚書

高山道舊

老語顛倒自慚老形麤醜人嫌謝絕世間萬事因
君詩筆重拈

自咏

歌曲 三首

思歸曲

在安東作○二親
兩鄉彼此分隔

遭大故兮逢世亂去北里兮適南方隨慈母兮戀
慈母歸故鄉兮思故鄉兄弟不見兮朋友相望邊

聲急兮羽書忙家信阻兮道路長憂恨結兮摧肝
腸中夜獨立兮涕汍浪安得羽翮兮高飛翔

白雁辭次堂兄休庵韻休庵謫吉州

有鳥噉兮鵲兮其衣朔雲將之兮寒風送之既
非建章之祥禽兮耀菊裳兮太液之池又豈北海
之書郵兮帶素字兮令皇知夔州峽裡故國霜前
兮空使騷人遷客感秋思兮馮苦辭泣寒盡兮陽
春生回翔反翼之不遠兮吾與爾期

清寧曲明烈 王大妃上尊號樂章

赫赫我祖兮再造邦家太妃配德兮宮壺雍

和日月之耀云或遭陰昏惟明且烈兮乃復于元
其明維何兮四方清止其烈維何兮兆民寧止於
煌寶冊兮萬世之光上天保佑兮壽福無央

清陰先生集卷之八

三

清陰先生集卷之八

清陰先生集卷之九

朝天錄

詩一
文十四首
三十六首

生陽館三題洞宗詩卷

西關重見舊宗師三十年中三乞詩自笑老來休
筆斫酒盃茶盞只能持

留箕城口留贈白沙令兄

二首

七月七日練光亭江樹江雲生別情想得玉京朝
會罷夢魂先到箕城

晴波如練浸紅亭亭上逢君卅載情無限別愁禁
不得夜來明月滿江城

次書狀金去非遊永明寺韻

周遭古堞臨江水寥落禪房客到稀
烟雨萬林秋暝暗風波極浦暮帆歸
遊人白髮今生老陳迹蒼苔故事非
招悵滿襟愁絕處不堪千里更分飛

書狀次示亭字韻復疊一首

明月清風水上亭玉京滄海遠遊情
秋來旅客魂先斷莫遣佳人唱渭城

又疊前韻贈庶尹許若虛

非關物色戀虛亭為感主人留客情
青山引萬重江百丈纔然來擁此孤城

即席口占贈江東使君羅夢賚

清歡未盡動離情
江上秋風月正明
千載心期萬里別
一言珍重歲寒盟

順安道中望慈母山城有感

慈母孤城積翠間
天王古寺白雲寒
舊遊三十三
年外回首西風涕淚沈

先君宰郡口屢登此城

次韻贈李天章承宣

鯨海千重浪
烏檣萬里舡
孤征慰
顙爾嘉客喜逢
旃玉轉
瑤琴軫
花生錦
燭烟風流
隨處在
莫恨是
離筵

清隱先生集卷之六

安州醉題普濟禪師方丈

清閣在百祥庵外

已罷三清會還尋七佛堂禪家自清靜人世愧奔

忙

曉星嶺

曉星嶺嶺上石多尖且硬不作奇岩列平堤來居
要路破輪蹄豈是天意困行旅應知地勢無佳處
安得唐蒙西蜀數萬丁一夕蕩平開夷庚嗚呼人
間處處有康衢我獨胡為由此途

新安別慈贈李天章承宣

以試官往龍灣

新安郭門西清淺寒溪水溪邊祖席開萬里分自

此澹澹秋色高蕭蕭西風起座中各愴別苦心吾
與爾相携未能捨日晚起還坐我舟不可繫何人
繫君馬君行指日旋奏事銀臺前望我隔雲海戀
我思悄悄春風忽東來榆柳變新烟西郊草色深
沙峴花枝發此地相迎一樽酒明年是我歸來日

次天章韻

孤館虛簷夜雨鳴獨留燈火伴人明朝來又作龍
灣別海上秋風一倍情

原韻林畔寄清陰文

天章

風雨淒淒鷄亂鳴客窓殘燭到天明河梁咫尺

成千里何況他時隔海情

乘槎詞次去非韻

莫作乘槎客乘槎愁殺人鯨鵬戲雪浪牛斗迷天
津日落虞淵萬里黑中宵月出風露寒三山何在
不知處極目雲海空漫漫

次右相韻在郭山

已到西州地一涯欲尋前路更無期滄波杳杳歸
心斷莫問行人故國思

原韻

玄翁

十年流落各天涯今日分飛又不期浮世此生

空爾耳海雲何處遠相思

寄別箕城方伯白沙令兄二首

嶷嶷西都伯深衷 聖主知戎權分體慕國勢壯
藩維茂美重陰在輶軒惠氣隨封疆正多事努力
任安危

西世按節俱有民愛

垂老天涯別朝京海上行歸心迷故國客路盡邊
城厚誼綈袍贈微情縞帶縈明年落花節重約練
光亭

次北渚寄別詩韻以廣其意

世間歧路日西東人事紛紛夢幻中強健都輸幾

多子炎涼閱盡兩衰翁是非在我休分別榮辱開
天任塞道臭味本來真一槩祇今何必喜相同

原韻

北渚

君方西去我初東立馬慈山風雨中自是朋情
偏惜別况今衰髮各成翁乾坤至大身猶碍舟
楫雖危路亦通閱歷平生夷險地百年懷抱果
誰同

宣沙浦次壁上韻錄奉同行金學士去非

八月西風玉宇晴澄清一氣使臣誠路通河漢星
文動雲近蓬萊瑞色呈四海車書千載會九門

抃萬方情歸時直見遼氛廓春晚烟花鴨水明

新安步卒歌

步卒何賀賀相逢新安城身上衣百結手中無寸
兵自言遼陽民幾年陷腥塵萬死脫虎口籍名毛
帥府帥府缺軍食簡書平壤赴傳聞道路言平壤
空廩庾身飢囊橐乏足跚行步澁草食已累月野
宿亦多日所經投店屋店屋徒四壁夏旱秋復蝗
農夫處處哭何能惠我給自家方汲汲我兵設屯
畊黍稷稍長成軍中費用多還有幾何贏狂賊蓄
銳久伺時將再寇欲為奮擊死壯心力難副山東

紅腐百萬粟日望登萊汎舟役滄海茫茫帆影絕
一日溝渠百人骨天門萬里不可撈哀哀士卒誰
當恤憶昔遼陽全盛時公私豐足民不饑祗今異
域作飢魂蒼天蒼天我何寬辭罷血淚霑衣裾

祭海神文

伏以六浸稽天百川朝宗皇王御極萬國會同明
有禮樂幽有鬼神神人殊塗理則惟均洪惟大
明君主四海慕德嚮誼疇敢或怠顧我東藩服
事竅專列君虔誠餘二百年蠹茲醜虜千祀皇
綱貢道作梗城郭豺狼輸琛奉篚劓不以達風波

不期死生毫髮靡神之德誰賴誰依豈敢自愛王
事懼違齋心一志恭獻菲誠社來淹速惟神之聽
鯨鯢屏息蛟鱷遁形風伯叶順天妃降靈蒙神之
休載全載安永久不謬沒世歸恩尚饗

八月三日發宣沙浦夕次須彌島舟中書懷
錄奉南叅判敵萬金學士大非

宣沙西浦祖洲東十幅雲帆萬里風浮世百年真
返梗孤槎此日更乘空天邊旅鴈清霜後海上羣
山夕照中徙倚危檣發長嘯白頭豪氣誤詩翁

舟次車牛島次去非韻二首

海客孤帆海國西
海波無際海天低
心如懸旆風中颭
身似浮苴水上栖
北極星辰雙眼冷
三山宮闕五雲迷
同行恨不同詩話
纔得清詩意轉悽

原韻

去非

平明縱棹海門西
牛渚停舟日色低
八月濤聲壯水國
百年心事隔山樓
新霜初鴈客懷切
古塞晚雲秋望迷
若在此中逢此景
幾人能得不悽悽

右

月明白露下海上
秋夜寒孤舟不眠
客無夢到長

安

車牛島留三日

青螺一點海鰲頭
麟鳳仙家第幾洲
方士漫傳三島記
小山虛作八公遊
尋常紫氣來笙鶴
咫尺明河傍斗牛
千載麻姑曾有約
挂舟三日少淹留

車牛島次去非韻

三首

鳳樓嚴鼓珮聲珊
牛渚驚濤曉夢殘
林下向來尋某樹
天涯今日憶長安
塵緣衮衮身難料
旅恨悠悠月幾團
度海關應度歲
西風吹盡北風寒
銀河去路接綿綿
旅鴈孤飛北斗前
清夜試從槎

上望蓬山一點小如舡

荷衣芰製佩幽蘭更襲明霞錦一端文采清香雖
可愛風霜奈逼九秋寒

原韻

去非

湖渚蘋花漢渚蘭芳塵蕭索渺雲端悠悠西去
幾千里海鴈一鳴天欲寒

祭車牛島神文

肅茲神境久著靈跡峻拔西溟拱衛東域驅風使
雨以歲以養篤誠所祈冥應如響藐余不才祇命
觀周飲水就途釋幣登舟不敢遑寧王事有程

粵來島下齋心凝聽惟淹不迅三日已更豈神其
昧而人不誠薄具菲奠恭引微忱泮泮在上庶幾
居歆尚饗

長山島阻風三日二首

孤舟三日繫沙頭倒海西風吹未休秋色夕陽無
限好不妨仙島重淹留

明沙錦石海棠洲水動雲流勢欲浮夢裡似曾身
到此不知今日是真遊

長山島天妃祭文

年月日敬祭于天妃之神夫以小事大天地之帝

經由陰濟陽鬼神之盛德是以塗山執玉寔嚴後
至之誅睢水揚沙允藉冥佑之力惟彼周郎亦暨
與便一日之中王勃南昌借勢半帆之上叔世以
降斯迹愈彰况我 大明德侔夏后威增漢家四
海六合盡入提封九夷八蠻罔不通道豈但臣妾
億兆尤極敬禮神祇恭惟尊神以太陰之元精主
純陽之大界顯聖久稱於歷代膺寵遂隆於昌辰
用坤承乾理不爽於一致與天作配尊無對於百
靈昭茲崇奉之儀實無遠邇之間伏念某三韓老
臣一介行李乘風破浪素之奇偉之志望日就雲

祇切朝宗之心駕扁舟而逝來阨孤島而難進月
駭波濤信逾弱水千里身無羽翼真覺蓬山萬重
敢具薄禮冀薦菲誠倘蒙淵鑑回明亟霈慈恩庶
幾令節祝聖無廢君命某敢不齋心頌禱稽首
歸依修黃陵之妙辭竊愧文章之筆聳青丘之羣
聽永傳靈應之符尚饗

祭天妃迎送曲

肅金氣之澄清兮瞻玉宇之崢嶸掃陰翳以戒程
兮爰載余之青旌指渤澥而飛鯨兮余將朝乎帝
之鄉酌瓊液以泛觴兮懷椒糈以為張琉璃之界

鋪碧玉白雲幙兮明月燭內牀揚以屏息兮悞明
神不鑑余寸臆出不見兮入無聽夜將半兮風冷
泠忽降臨兮娉娉婷婷翼百神兮從萬靈紛紫氛
之霞鬣兮璆珞鳴兮環珮欲進而跼兮不敢退儼
若亡而若在倏雲旂之載卷兮閃神光之超電巨
鱗舞兮神鰲抃河伯前驅陽侯後殿收烟霧兮伏
波濤颯淒淒兮回清飈悄耳目之寥寥天河斜兮
織女高神之反兮曷留極雲海兮思悠悠神之德
兮何酬詠萬祀兮歌千秋

三山島

舟次平島有感

曉發平島廣

廣鹿島三山平島鏡山背龍王島

十堂
鳥凡

東風萬里送行旌
十日孤帆一島經
水到龍堂無

底黑山蟠鉄甯了餘青二秋海岸初賓鴈五夜天
文一客星坡老舊詩真漫詫吾人心事獨惺惺
八月十五日登廟島城樓翫月次春城韻
危樓縹渺瞰城頭影落滄溟日夜浮明月滿天涼
露濕悄然孤客不堪留

詠天妃觀道士

千仞孤山百尺臺貝宮珠閣倚天開丹經一案無
餘事祇向三山待鶴來

登州次去非韻

憶昔南遊到濟州麗譙晴影海中浮宛然今日蓬

萊閣鰲戴移來問幾秋

南商社客簇沙頭
畫鷁青簾幾處舟
齊唱竹枝聯袂過滿城
明月似揚州

原韻二首

去非

沙門西岸是登州
隱隱蓬萊水上浮
望見仙居解纜去
一年明月滿舡秋

高高明月照牆頭
極浦寒聲動客舟
潮落潮生夜已盡
水城清曉見登州

登州永禪寺感懷贈沛菴禪老

秋色蕭蕭海上來
寺門斜日淨莓苔
孤舟萬里三

韓客回首西風白髮摧

重贈沛菴禪師

禪林邂逅淨緣成石上看書悟去生惆悵海雲千
里別每年秋月一傷情

登州城南故陳尚書杏花村

臺廢樓空野草荒杏林蕭索已秋霜平泉舊業今
蕪沒樵牧相逢說賀皇

登蓬萊閣

登州樓觀跨虛空勢壓滄溟萬里窮橋石已從秦
帝斷星槎惟許漢臣通乾坤盪漾洪波裡日月分

開積氣中半世遠遊今白髮百年奇絕此難同

登州曉坐聞鴈

塞鴈聯翩渡海來月明孤枕滿流哀
衡陽萬里秋風急河慶江南帶雪迴

次吳晴川絕句二首

避人吳大斌久居遼東
亂來住登州吳晴川

離居悄悄易傷情更值清秋月正明
何處西風吹玉笛一時流恨滿江城

右月夜聞笛韻

自惜娉婷二十年有錢無意買金鈿
芳心獨伴梅花在不向東風任受憐

石自嘲韻反擬自惜

原韻

吳晴川

淒淒切切不勝情恍惚梅花弄月明莫問故鄉
音信斷東風一夜到邊城

久矣深閨避少年自甘陋質冷花鈿無端又作
邯鄲婦粉黛迎人祇自憐

題吳晴川遼海遺踪後序

昔丁令威棄家登仙千載然後歸其身與心固已
俱化矣夫世代遷易人終壽考自然之理少弭曠
達者猶不留感焉顧丁仙迺不能無情必翔回鳴

號而去矣音遺響至今尚有餘感豈鄉井之念神仙所不免歟況於身心未化也世代未遷也人民非考終也承平百年一朝淪沒糴黍易衣冠親戚死原野並與崩城敗壁而無一在者思欲一遙臨睨而不能奮飛其視丁仙之日復如何耶吁亦感矣遼之與鮮隔一衣帶同仁之內四海兄弟今觀吳晴川先生遼海遺踪一編撫跡起興增豪劇後詠其詩想其境感慨懷舊自不覺潛焉泣涕豈當時預知今日之變而若有所啓發俾補遼誌之亡歟亦異矣哉方今聖德日新羣賢輔佐殊方不

庭自格於兩階之下彼最爾醜虜假氣遊魂可不
日而掃除矣晴川公涉登溟抵遼岸彷徨嘯詠於
華表之墟重賦遺踪播之遠近不佞當漉酒而遥
賀焉雖然登高能賦可以為大夫豈有有才有晴
川而終屈於聖明之世者乎將見朝廷舉賓王
幕府採柏耆以裨廟筭而贊武功獻平遼之雅配
詩人之美丹青竹帛永圖不朽故里遺踪又奚暇
尋也此則天下之同慶非不佞所獨私賀者斯拱
以竢之耳

吳晴川携酒來訪招伶人侑觴晴川酒酣聞

歌泣下霑襟即席口占以贈

海上秋風日欲斜一樽沽酒一聲歌
傷人莫恠輕垂淚從古英雄感慨多

登州對菊有感錄似敵萬去非

八月微霜菊有芳異鄉為客倍情傷
遙知故國東籬下無數金錢滿地黃

客裡流光大劇忙無多十日近重陽
來時手種堂前菊誰掇寒香泛酒觴

次吳晴川大斌韻三首

澹雲輕雨小姑祠佳菊寒蘭八月時
機石近依牛

文渚桂花低映廣寒枝夢回孤枕鯨濤撼風散遙
空鴈列差無限旅愁消不得喜君詩句慰羈離

右廟島停舟

烏章雲旆想飄飄鐵馬漁陽夜渡橋聞道廟堂收
勝略野看三捷報平遼

右遼陽出師

五更殘月水城頭詠史何人獨解舟不向東溟覓
歸路還依北斗望神州

右水城夜景

原韻

吳晴川

千里孤舟傍島祠潮平沙畔月明時使轡王
命芝為檢旅夢鄉園菊滿枝天外節旄青海極
雲邊樓閣望鱗差臨流欲洒河山淚感慨非關
愴索離

溟海蒼茫一葉飄屢樓何處駕虹橋唐宗駐蹕
曾於此今日遼非昔日遼

天橋雉堞跨城頭何處帆飛一葉舟傳聞使節
來箕服齋捧王綸謁帝州

次韻

戚祚國

經元之孫

秋色撩人滿渡頭天風吹送往來舟年年貢路

經蓬島好向滄溟覓十洲

吳晴川懇求除字韻次贈二首

遼塞妖氛尚未除先生玉貌此僑居
不緣貢道開滄海那得清溝映汚渠
婁喜竹筒傳妙句更驚河鯉損長書
荊州一識償前願人世從今萬事餘
豪氣翩翩老不除高吟梁甫卧茅廬
百年軒冕泥塗似千首詩篇錦繡如
自信立言垂汗竹肯隨竿牘到公車
無邊風月誰多地身計平生未作疎

春城先行次韻以贈南以旌

綸噤北關離同日帆落東牟到一時
招帳分歧

自今夕可憐人事喜參差

原韻

星槎領略蛟龍窟蓬閣來凭落日時鄉國渺然
天地濶夢魂歸路亦參差

次去非留別韻

不愁故鄉遠魂傷滄海舟無端今日別心折古齊
州子去須相符吾行豈久留清秋望嶽好同上濟
南樓

原韻

掛席千餘里波濤共遠舟二秋遣水國九月在

登州客路有先後他鄉分去留
郡堪黃縣夕落葉聽寒樓

登州九月六日大風雨

客中佳節近重陽風雨無端太劇狂
一任萬林紅葉掃菊花摧倒也難忘

發登州留別吳晴川

會稽山水秀而清清淑之氣鍾豪英
中有王立晴川翁長身白眉仍青瞳
意氣崢嶸隘區宇才莖俊逸凌徐庾
漢代相如差可伍燕家郭隗何須數
金臺已堞梁苑空萬里飄飄客遼東
遼東城入犬羊

天避地東牟又三年他鄉為客風俗薄故國思歸
音信隔篋裡詩篇富恒溢床頭酒錢貧屢缺世上
不乏有心人一朝契合如有神三韓使節逢萊島
傾蓋論交一傾倒把君之袂執君手為君沽酒向
君壽君不見東京名士梁伯鸞栖栖廡下飢且寒
君不見四海文章李謫仙白首長歌行路難當時
富貴誰記某獨有斯人名不朽請君盡醉掃筇禮
人生落地皆兄弟明朝別後燕山道黃葉白雲愁
欲老

登州買盆菊置座側臨發有感次去非韻

莫笑十錢買數枝客中不耐負花時燕山又作明
朝別石室還為來歲期
燈影橫斜裊裊枝清香陣陣月明時重陽未到主
人去歲暮孤芳誰與期

登州夜坐聞擊柝

擊柝復擊柝夜長不得息何人寒無衣何卒飢不
食萬家各安室獨向城上宿豈是親與愛亦非相
知識自然同胞義使我心肝惻

黃山驛曉坐聞鴈寄先行諸君子

驛在岳縣

青燈照壁夜漫漫旅思鄉心著睡難何處孤鳴失

羣鴈一聲悽斷曉風寒

九日黃山途中感懷

佳節重陽密裡逢故園回首海天東
魚書鴈帛來無寄菊佩萸囊倒並空
江郡白衣穿五柳龍山醉帽落西風
行途苦樂誰相問盡日驅車逐轉蓬

九日宿朱橋驛

六言

黃縣城邊落日朱橋驛裡重陽菊
花依然笑客鬢髮又度秋霜

萊州掖縣界過宋辛次膺故里

南渡名臣第一流澹菴前後少公儔
千秋故里依

然在尚有當時諫草不

萊州孫給事花園

給事名善華

輦石移花度幾岑舞臺歌榭舊千金十年京洛趨
朝去門掩秋風落葉深

灰阜驛次去非韻

旅店鷄栖生暝烟烟清月出店門前門前夜久行
人絕月落鷄鳴猶未眠

北海懷古

淮縣古北海郡

北海城中晨鼓催東方日出雲烟開客子驅車繞
城曲城邊澰水寒更綠憶昔淮陰破龍耳楚兵十

萬半為魚千古沙場燐火碧夜雨至今聞鬼哭風
流四海孔太守座上客滿尊盈酒遺愛猶傳父老
語行人尚指甘棠處南氏之子真男兒睢陽圍急
賊載馳賀蘭未滅城已剡佛寺浮屠空帶箭山河
依舊人事改古往今來幾年代無劍悲歌懷以切
秋風客愁亂如髮亂如髮不可理須向青州問從
事

晏平仲古里

二首在濰州

聖稱善交人上逢知己仲何嫌六尺短萬古幾長
身

平生執轡願欲式舊門問青山不可問何處是遺壚

平津古里在維縣西十里

十上無成志未更晚開東閣禮羣英二公布被君休薄後世何人不好名

青州道中

北風剪剪秋聲急黃葉紛紛不可拾海雲慘澹寒日落孤飛南鴈何處宿牛羊各已歸巷陌征夫曠野行未息停驂却問青州路極目蒼蒼杳烟樹

過青州有懷邢尚書

尚書名玠家在本州城中

先帝龍飛二十春東征節制命儒臣百年杜繆風
塵後千里山川雨露新溢世勲名歸屏樹報恩祠
宇有傳神今朝海岱經過地誰識三韓萬感人神宗

皇帝晏駕我

聞那公亦已騎箕故落句云

牛山

山勢元無百仞崇牧殘衰草動秋風浮生自是同
泡幻何事當年泣景公

過管仲墓

在臨淄縣

沐沐薰薰日幾三高侯治績判無堪百年民受皆
君賜地下應逢子糾慚

王褒故里

在昌樂縣東二十里

鄉里千秋感孝思至今應廢蓼莪詩
寒原古栢西風泪似助當時不盡悲

東方朔故里

在昌樂縣西五里

夜開宣室儼珠旒執戟郎官走綵韉
首鼠轅駒俱碌碌漢庭綱紀一俳優

陳仲子故里

在長山縣東五里

廉士遺墟何處尋井邊螭李已無陰
野塘水綠雙鵝白猶作當時鴈鵝音

長山縣東界舖店甚盛

門前綠水繞金沙
臨水樓臺日正斜
掩映白烟紅樹裡
酒旗茶榜幾千家

伏生授書處在鄒平縣東五里

火冷秦灰腹笥全
典謨何幸有遺傳
酬功今有專祠在
並著門楣薦一邇

題鄒平城外張察院御風亭

察院名一亭其子名廷登世都

御史

靈山洞府豈真傳
悵望千秋祇渺然
須向蓬萊海上路
好從平地覓神仙

張察院城內花園觀石假山

上有小亭下有陰洞奇巧絕勝

一區真境秘壺中
閑占清都小玉峰
却笑曼卿仙分薄
異生方許主芙蓉

寒水未怪夏虫疑
路隔仙山自不知
一入洞天塵夢醒
人間始信有仇池

章丘城中故李太僕花園

太僕孫名衡其弟名璜皆舉人云

深院青苔晝掩扉
菊花秋色淨芳菲
西風莫道無情思
吹送寒香上客衣

次去非韻在濟南

紛紛人事動相牽
宿債何時了世緣
茅屋石泉陶穴里
藥爐詩卷送殘年

華不注山在濟南府東北十里

我吟謫仙詩上語夢想茲山幾年所一朝忽然身
到此是耶非耶疑夢裡蓮花獨秀大野中解道綠
翠如芙蓉謫仙去後三千載山色久屬滄溟翁我
來溟翁已無在惻悵英豪不相待人生過鳥天地
長有此宇宙山不改為向山靈酌一盃海雨颯颯
天風來

舜廟在濟南城內

大舜生諸馮我亦東夷中相後萬餘春彼聖我鄉
人所賦豈不同昏愚愧未充今來謁重瞳殿宇肅

靈風宛然在床琴洋洋南薰音

舜井

廟前一井鑿廟中復井域或言二妃謀於此脫舜
厄舜心豈為身不忍陷親惡頑性化底豫慈天一
朝復誰無父子親至倫舜所獨井水不改清萬古
如聖德

趵突泉

在濟南城西李滄
其白雪樓其上

靈源歎玉瀉滔滔水面跳珠一尺高倒浸雪樓涵

氣象百年文字作波濤

名雖為泉其實
汪注大池

白雪樓

即滄溟故居

玉樓新搆雪樓空濟上山川寂寞中惟有文章喧
萬口江河不廢到無窮

大明湖

在濟南城內北隅

濟南官府古名都樓觀蒼茫壓太湖天借地形雄
海岱人添物色擬蓬壺分栽細柳三千樹疏鑿方
塘一萬區安得荷花明月夜蘭舟直上泛虛無

發濟南

九月齊城葉隕霜西風吹野暗塵黃行人向闕常
依北旅鴈隨群一趁陽筋力易殫逢老境語音難
慣入他鄉驅馳萬里寧辭苦王事從來在四方

大清橋在齊河縣城外榜曰濟水朝宗

濟源遙抱縣城東渡口橋飛百尺虹禹迹千年疏
水道秦鞭何日落神工天寒好與行人惠世難應
煩設險功夾路柳陰高酒幔春來宜入畫圖中

暮宿禹城縣縣有禹廟

微茫平野四粘天恍惚如登泛海船夾道人家千
里亘浮空烟樹萬重連風沙暗換客中髻詩景苦
催愁裏篇日暮旅亭何處是禹園秋色古城邊

征途

征途一月困風埃北望燕山眼未開遙想玉河投

館日客心勝似故鄉迴

德州

黃河一派繞城流
夾岸垂楊映畫樓
幽薊地連民俗勁
江淮貨集市塵稠
千家燈火秋砧夜
萬里風帆估客舟
三晉古來豪俠地
至今年少盛遨遊

過周亞夫細柳營

在景州城北州故縣地

漢文皇帝出行兵
細柳將軍特立迎
縱有此臣無此主
古營千載獨留名

酒壚醉者

千里黃塵暗鬢毛
驅馳王事不知勞
壚頭斜日

醉眠者是個人間第一豪

河間道中

薰葭秋水浸平堤萬柳參差夾路低
欲向酒家留一醉斜陽已在畫橋西

塵

燕地饒風沙况逢秋不雨簸揚振四野
頽洞彌九土日月錯行度乾坤迷仰俯
江河混淆濁山嶽失觀覩草木翳花葉
鳥獸變毛羽籠紗隔樓臺漲霧埋村塢
之秦誤適楚登岱不見魯驟起若合圍
輕飛如媚嬖百物盡無光萬類同受苦
天王臨軒墀

大庭集文武浮游蒙黼宸散漫欺簪組驅馳衣冠
會奔走吏胥聚隨車沒軌轍堆案壓文簿漏司奏
時刻未能分子午軍師發號令不得認旗鼓邊上
罷瞭望行間亂部伍墮畝輟耨耕市塵伏商賈樵
夫問山林漁子疑洲浦書生閣筆研箋註停訓詁
紅婦下機杼經緯暗絲縷師曠塞其聰何由理樂
譜禹宴視不明曷因辨精粗模糊繩墨內梓匠廢
規矩填委龜筮間卜筮謬橫豎懸鑑照妍媸素微
昧舍取持衡稱輕重銖兩眩三五酒席慕尊罍人
渴不酌醕伎逞澆純素密室藏歌舞蔽野麋鹿驚

冥行觸弓弩落水魚鼈惑亂擲投網罟老馬反失
道踣促依墻堵慧性亦被迷能言噤鸚鵡窈冥晝
如晦睢水臣失主兩軍不相見沙漠縱犇虜泥渾
玉露漿肩穢龍根脯四老隱橘中群仙避玄圃漢
妃惜羅襖凋居鑠鮫戶素女歛玉姿還歸白水許
而我當此時原隰賦靡監詎障茂弘弱那把靈犀
塵精神頓濛濛霧耳目等聾瞽薰黃入瘦容埃墨積
枯肚爬垢頭思沐燕津舌欲吐鬱鬱氣益痞沉沉
病難愈橫目汜可蘇天心庶一怒絕傾銀漢波第
倒扶桑樹汎掃六合清湛恩均率普天衢再照晰

萬里毫可數不然學西佛流泉洗臍臍永辭濁穢
鄉長往清都府

入京下留玉河館

丹鳳城門向曉開 皇都氣象鬱佳氛雲間北闕
觚稜出雪後西山霽色來萬國衣冠聯玉帛九霄
環珮擁樓臺登高欲紀燕京事却媿張衡有賦才
燕京有懷極峯熊公

龍灣館裏昔登龍雅誼高情自感通馳馭還歸霄
漢上仙姿長入夢魂中乘槎擬會蓬瀛路招隱還
歌桂樹叢燕出贛江千萬里好音難寄赤心風

時有他日朝天再會之約
今聞歸所孫泉故頭照云

贈琉球使臣蔡厘

萬里朝天偶一時寂寥孤館靜相依
三秋故國無消息碧海茫茫鴈不飛

次去非韻

禁川流水象銀河宮殿祥雲五色多
春在玉樓寒不粟
恩融太液雪添波
昭文閣裏封章罕
萬壽盃中日月過
閒說高將軍
寵渥天顏喜處奏時和

次去非萬壽節早朝韻

千門曉闢建章宮
慶節趨班萬國同
燈影迥移仙

仗內玉聲高出侍臣中分庭曲禮雖差別祝上微
誠自感通遙想宸崇政殿一時懽抃滿天東

班內庭外
使班外庭

玉河館次去非雪夜有懷韻一首

玉漏聲沉夜向闌夢回孤燭尚留殘病懷寥落思
歸切詩意徘徊看語難對影酒杯聊自勸開簾雪
月獨來看陶山石室桑榆是不記前年此日寒
寂寞虛簷鳥雀稀陰風吹雪暮寒時燈花漫結閑
占喜心事多違久廢詩宮繡已應添線弱漏壺猶
自送籌遲歸期默笑登州路二月桃花正滿枝

次詠雪韻

映日飄零爛似花
逐風飛舞整還斜
寒光共闔月中
兔縞色先分屋上鴉
擁鑪開酒此時興
隔水看梅何處家
昨夜依然故園夢
道峯千疊白差差

次去非詠鸚鵡韻

岷高嶂險萬重山
隴雪秦雲杳夢間
華館雕籠長日閉
故林深樹幾時還
聰明梅作聲音好
文采羞稱羽翮斑
歲暮異鄉偏感物
旅愁羈恨共千般

原韻

此鳥何年別隴山
渠情初豈厭雲間
自緣采色

羅羅網便坐能言未放還明月洞房霜切切落
花深院雨斑斑多時呼喚無人識春晝秋宵恨
一般

除夜旅懷

守歲歲不住懷人人亦避念生餘幾許為樂愁無
多小願寧非望殘年但在家暗燈如有報侵曉自
成花

元日早朝

長安門闕大明宮北折天街更向東銀燭萬枝星
煜煜月題千騎玉瓏瓏鵠鴻合列城鵠起嵩嶽齊

清隱先生集卷之九
鳴舞數同滄海小臣叨盛際魯庭誰復數觀風

次元日早朝韻

清蹕遙聞彩仗齊朱衣先引侍臣躋香烟正繞金
鑪上日影初分玉殿西禁苑雪消梅蕊動龍池水
暖鴈聲嘶新春散勝應隨例幾箇繁英襯髻低

正朝後三日見山茶花

誰家邃屋護芳枝雪裡潛移造化機却似去年二
月暮清風池上映山扉

八日

燕山拋客歲人日即今朝寒意臘前減歸期春後

遙買花仍帶雪沽酒尚涵椒節物無牽與後詩慰
寂寥

曆面題

聖朝文軌萬方同炎海冰天正朔通何事 皇居
一榻外尚留甞睡在遼東

正月十四日書奉敵萬

喧街咽巷動歡聲月色燈光滿帝城孤館閉門千
里客獨留殘燭照三更

次春城元夕韻

燈前月下捻無聊出門入門俱閒寥滄海關山幾

千里一年虛度可憐宵

次金去非元夕韻

燕都為客逢元夕是夜燈光交月色金吾緹騎縱
嚴宵寶馬香車結廣陌萬戶千門歌吹聲千門萬
戶春風情春風先入顰脂坡半醉妖嬈玉險賴玉
臉紅粧倚夢差別有華堂貯翠眉珠毬彩索飛星
急銀箭金壺漏水遲誰家燭散誰家剪何處歡深
何處淺豪俠繁華領千場幽閑怨咽啼雙淚憶昔
江湖聞夜雨懸燈悄眇庭前樹今日烏蠻館裏閉
萬重蓬山隔牆路

次早春韻三首

水際城邊野馬飛，漸聞宮漏晝間稀。
東風日日蘼蕪綠，塞北江南憶歸。

朝來白雪暗西山，卯酒三杯壓早寒。
窗外日高猶未起，睡間啼鳥正關關。

玉灘流水入江沱，江上松林是我家。
昨夜夢尋烏石路，山前山後早梅花。

次古曲四首

花落去年日，花開今歲春。
年年歲歲花，歲歲年年人。
問花花自笑，對花如舊識。
莫言花易老，人生幾

朝夕

右芳樹

膝上一琴橫花前一樽開惜春春不留待人人不
來黃河尚可塞日車誰得持寄語經營子經營爾
奚為

右當對酒

辛苦築高臺臺成人已老本謂近天居但見天浩
浩左睨滄海水右臨孟門道所思眼中稀愁來劇
秋草

右臨高臺

三生重結緣百年長睽離天命既難知人心安可
期庭前有桑葉飼蚕吐冰絲冰絲無斷絕綿綿長
相思

右有所思

燕都八景

一片空臺夕照明山川鬱鬱古今情黃金駿馬歸
何處白首英雄歎後生雲去水流催暝色牧哀樵
怨動悲聲千秋魂魄應來徃昌國良鄉有廢塋數

石金臺夕照

三里長橋十里沙
桑乾一帶慢流河
秋來玉宇涼如洗
夜久冰輪側倒波
烟岸露汀通滉漾
荏苒花蟾影共婆娑
鷄鳴鴈度行人起
到此吟鞍駐獨多

右廬溝曉月

萬嶺縱橫缺壁懸
雄關自昔控幽燕
祖宗恒嶽蟠三晉
羽翼盤閭鎮北邊
雲愁積霧龍虎窟
劍鏖爭指犬羊天
山靈正要重重見
未許高青着最前

右居庸疊翠

昆明風雨吼鯨魚
萬劫揚灰漢帝疏
誰似禁園泉達處
功成靈沼子來初
樓臺影碎空明裡
日月光

浮潤濯餘大雅只今歌白鳥未須黃鵠史臣書

右太液晴波

上林池面小蓬丘春日尋常雲氣浮對御却成龍
虎伏迎真先統鳳凰樓琅玕芝草霏霏潤巖壑松
陰冉冉幽同和百工歌湯湯新詞收入彩毫頭

右瓊島春雲

雪後酥稜曉日生皓然西望玉崢嶸諸天寶象魂
先冷瘦石危巖骨盡清白虎殿中偏映徹延秋門
外轉分明瑤墀賀罷豐年瑞柱笏何人郢曲成

右西山霽雪

燕地山川舊塞門
蒼蒼列樹鎖烟昏
秋來黃葉錦千帳
雨後綠陰雲萬屯
當日慙慙栽種意
只今粧點太平痕
勞勞天下傷心處
南北行人幾斷魂

右薊門烟樹

天池一派倒晴虹
白日雲雷翠峽中
鶴首雨過驚噴雪
泉源花發亂漂紅
水簾正對芙蓉殿
鮫室疑通織女宮
萬折不知滄海遠
朝宗日夜石橋東

構芙蓉殿于此

右玉泉垂虹

燕京逢寒食

客裏悠悠歲月新
天涯幾度度佳辰
拋花白發無消息
燕子初歸似故人
惆悵一年惆悵事
寂寥孤館寂寥春
家山松栢魂飛遠
滿地繁華獨苦辛

次去非春日雨中韻

天外何人獨倚樓
相思日日望神州
眼穿萬里無邊界
心結三春不斷愁
鴻鴈過來書未到
雲山歷盡夢難休
今朝一榻蕭蕭雨
強買芳醪醉玉舟

次寒食日客中韻一首

愁雲漠漠結層陰
小雨霏霏濕晚林
門掩萬家烟火冷
幾人今日故鄉心

清明

簾外春陰燕子飛
杏花深院雨如絲
風光正好不歸去
孤負清明三月時

題王之麟所畫義人圖

結伴尋幽靜裡行
輕衫薄扇小香纓
相看歛笑凝眸處
無限風流無限情

觀天壇

郊垣如壁帝丘圓
古柏蒼蒼幾歲年
森擁百靈嚴守衛
朝宗萬國拱山川
神明寶殿黃金冒
天子齋房白玉椽
瞻望九門還咫尺
漢家何事卜甘泉

祭海神文

維天啓七年四月己酉朔十三日辛亥朝鮮國嘉
善大夫同知中樞府事金尚憲敬祭于大海之神
伏以神之德蕩蕩乎難名神之靈昭昭乎孔彰昔
之來也神既惠之今之歸也神其卒之慈 宗國
陷危而播越兮 君臣露露泥泥舟之行不可由
故道兮拍江華而為期里逾千而望萬兮目渺渺
而愁如何吾聞古之人蒙神佑者歷萬里兮一瞬
息惟小臣自顧無狀兮同舟五十六人之命為可
惜冀神聽之孔邇兮念我 王事哀我人子有差

薄方誠則罄庶歆格於時饗尚饗

上提督主事曾棟書

某少時讀書至易觀之六四曰觀國之光利用賓
于王竊謂萬一朝天可以當此卦之義耿耿五
十年于茲矣猥膺國命私心甚喜頓忘舟楫之危
鞍馬之勞庶幾得遂五十年之志今月初旬始到
京師投館以來已經七日高牆重垣拊之以棘一
水一薪待時乃通况望所謂觀國之光乎哉乃低
徊惘默喟然而嘆曰時有古今中國之待遠人隨
時不同生乎今之世而望古道之行是不知時者

也既而復喟然嘆曰局於時而不知變泥於今而不反古豈所望於聖天子賢執事者哉安知今不反乎古之道乎仍竊聞臺下以大賢之後加三省之功浴沂風詠之志與天地同流江漢北斗之文合元氣並運發軔清塗望重儒林濟時行道之責蓋欲辭而不可得區區之愚又幸其與竊時者相符欣然如有所得寤寐瞻注忽若神契不自覺雲泥之遠隔也揚子雲曰在門墻則麾之在夷狄則進之未知臺下亦嘗有味乎斯言否也瀆冒尊嚴惶悚無已伏惟臺下恕其狂踈而察其愚悃端

肅不宣

謝提督主事曾棟書

日昨二象胥來館教以大堂老爺暨執事之命曰
國家之待外藩寔均覆燾而朝鮮恩禮有加不與他
等亦惟倂倂臣所知其各安心住館毋或以他慮
為撓職聞命感激遂集隨行諸役一以象胥之言
諄諄申諭亦無不感激懽悅不翅寒者之挾纊此
皆由諸老爺仰體 聖天子字小之仁綏遠之德
之惠職謹百拜稽首頂謝外竊念小邦顛顛在海
外荒僻之地初豈有禮樂文物之可觀也惟大之

降衷與中國同粵自殷太師受封之後以教以化
蔚然為三代之遺民君君臣臣父父子子之道於
是大明又其風氣柔弱人無悍戾堅忍之心士服
習仁慈禮讓孝悌忠信民力於農桑婦人貞信不
淫僻歷代史志皆可攷也我太祖高皇帝誕膺
天命東國首先率職荐蒙異數成祖文皇帝定
都燕京視小邦為內服匪以疆場之密邇實嘉其
忠順効著也厥後二百年来列聖繼臨優恩異
渥彌久彌隆小邦亦因愆佚度至于神宗皇帝
壬辰之歲寡君無國而有國百姓無生而有生昔

也君臣今為父母昔也華夷今成一家自有東方
以來蒙被皇恩未有若此之厚者也小邦事大
之誠天地鬼神實所監臨夫背父母而從仇讎違
一家而合異類雖鑿夫悍俗猶不忍為今遽以此
加我耶携貳之說導虜之言奚為而至哉此小邦
陪臣所以痛心切骨肝摧腸裂仰天悲號泣盡而
繼血者也燎濯雖具而不知其寒熱饔飧雖豐而
不知其飢渴彷徨躑躅靡所止忽忽乎心之無主
而何處安心乎顧職今日之心亦大感矣伏望臺
下仁心體物智鏡燭理丕贊大堂之論痛辨小邦

之誣亟行敷奏快蒙 明旨職等雖在冰炭之上
如得甘寢死無餘憾惟執事之憐察焉惶恐不宣

禮部兵部呈文

朝鮮國進賀陪臣吏曹判書金尚憲成均館直講
兼司憲府持平金地粹等謹呈為小邦冤枉未伸
遼民處置未究冀蒙矜察以憑轉奏事職等齎捧
本國謝 恩賀 節表文及陳情奏文今到 京
師小邦情事略具於 寡君奏咨之內其在陪臣
分不當煩冒尊嚴而第以心痛不可緩聲事急寧
免疾步此大人君子宜有所動心不以疏遠微賤

而使得畢其愚陋以一通天下之志以贊成天下之務也竊照天啓六年四月初九日登萊撫院及大部為因毛鎮揭報仍咨小邦知會有曰海外情形微變屬國推乃貳可虞嗚呼自古要荒隔遠之地中國或不能明知其事情致有疑阻者多矣豈謂遭逢今日而罹此患也 皇朝視小邦如子小邦事 皇朝如父母子而得貳父之名父而有疑子之心為其子者當何以自處乎小邦之事不幸類此謹詳毛鎮原揭謂麗人柔而奸貪而污見小忘大倏公濟私此詬罵之至醜者也然不足辨也至

曰我以恩信彼以虛文我以撫卹彼以携貳噫嘻
異哉亦已太甚矣夫毛鎮駐師小邦備經艱苦與
之周旋已近十年義協敵愾憤切同仇虛心相待
竭力相奉雖曰一水之外不染鎬銖奈何小邦自
至凋弊時節起居動不能以貨財為禮固已有歎
於慙慙之私小邦君臣自知慚愧然往無不報來
無不荅區區誠意始終如一至於軍餉之難贍毛
鎮亦目覩小邦剝殘之形宜其所矜恤而何怒之
至此深何言之至此盤也噫嘻異哉亦已太甚矣
尹義立之謀差進貢全無事實此則似出於王仲

祿等虛傳謝恩陪臣朴鼎賢鄭雲湖賀節陪臣
全是等俱詣毛鎮衙門請見而終不獲廼並謂不
掛號盤驗虛偽奸弊何由查核云者尤竊未曉也
小邦二百年来赤心事大顛沛艱難萬折必東此
天下之所共聞携貳之言奚為而至哉小邦君臣
自聞此言含痛結冤日夜腐心不知有生之為樂
也 天日在上無微不燭 寡君所仰恃者 朝
廷而已天威之下雖不敢自盡其私願惟蜂蟻之
微各有天性陪臣之為 寡君冀為轉達之地者
實出於秉彝之衷安得不疾行急呼以懇其冤痛

問迫之情乎伏惟閣下哀憐而少垂察焉又照遼
民處置之事咨內有曰撤之外島使不在鮮亦撤
也此 朝廷審度內外難易之勢規畫方便曲盡
之計 廟筭已定固不敢更為瀆擾而祗緣小邦
地小民貧酷被壬辰倭寇之後國無三年之蓄以
至于今公私赤立八路同然西鄙尤甚千金之貨
不能易一軍一日之食求粟之策舉國合謀銖分
毫析肉盡繼血如有一分餘力可以支撐而厭視
窮來歸我之遼民不盡心接濟徒事煩籲於 朝
廷則是不但負 天朝生育之 恩亦且獲罪於

天地上下而神明不佑矣。目今遘民之方，佐小邦者，計不下數十萬口，散走村閭，在處填滿。主居二三客居七八，始借房屋中奪糗食殮終，淫妻婦人情。到此孰能堪之？弱者携妻負子轉徙內地，強者礪劍懷刃，乘暗相圖。毛鎮之約束小邦之法，令所不能徧禁。自古如此而未有不生大亂者也。亂之初生，小邦之禍也。亂之既涵，天朝亦豈獨無憂也？小邦之請蚤為之所者，為是懼也。咨內所謂徒以供億之難，思欲一朝盡驅境外者，恐未深察海外之情形也。設令幸而無難，平安一道漸至空虛，主

既不存客將安傳不過明年其勢必盡歸於溝壑
與其費心於他日生聚之難曷若加意於今時賑
救之易乎毛鎮果能遵奉 朝廷區畫過冬之後
即徙遼民不堪編伍者於諸島趁節耕農以為前
頭存活之資無之登萊運餽不遲不絕以食不以
貨則小邦助餉稍易為力飢民有再生之路屬國
蒙 再造之福主客俱全大小共保庶幾小寬
朝廷東顧之憂矣不然徒以撤之外島為名客會
往復動經歲月口惠而實不至何異決西江之水
而救波臣朝夕之命也小邦之安危存亡顧不足

言深恐大乖 天朝復遣之長策也茲敢不揣疏
賤之分不避僭越之誅冒昧陳乞伏願閣下曲察
危惘敷奏 宸聰俾小邦之冤枉獲伸遠民之慶
置有竟不勝幸甚職等無任兢惶祈懇之至

禮部兵部呈文第二

朝鮮國吏曹判書金尚憲戶曹判書南以雄成均
館直講兼司憲府持平金地粹等謹呈為冤枉未
伸荐被惡名冀蒙矜察以憑轉奏以雪至痛事職
等以小邦被携貳之誣舉國喟冤齎捧 寡君陳
情奏文赴號 天庭途間竊聞毛鎮又揭登撫謂

妖因麗導陡朴殺收獲也兵兩國蠢動為難恐合
謀竟圖大舉為虞云嗚呼天日在上鬼神在傍萬
目所覩萬耳所聽為此言者是誠何心小邦至誠
事大如子事父寧以國斃不與虜通昔者萬曆辛
卯之歲倭酋秀吉潛圖射天致書要我假途為名
先寡君昭敬王即具奏聞神宗皇帝降勅嘉
獎竟發大兵掃蕩倭氛再造屬國頃年小邦不幸
倫紀昏亂奸臣主和虜之謀寡小君昭敬王妃
奏請廢置盡誅奸黨固已伸大義於天下矣小邦
區區忠義自以為神明可質豈意存遭同極之言

乎毛鎮之所以為此者殊不可知也。共惟帝臣同事一方，成敗禍福，理無獨殊。情誼之殷，豈與他譬其相須之勢猶求之有土也。鳥之有巢也，去土則不能自立；焚巢則鳥安所託身乎？寡君仰戴皇恩，俯思職分，日夜焦心，庶幾相時順動，協助王師，一掎一角，蕩滅此賊，以報我聖天子之德。凡所以待毛鎮者，一出於至誠。百寮停俸而不忍，遼衆之飢餓，邊兵絕餉，而先急毛營之運餽，常飭陪臣，罔或少懈。今乃有大謬不然者，人心不如我心，一至此耶？伏覲前日聖旨，聯絡屬國，牽制

奴酋文龍事也 王言一下孰不感奮嗚咽毛鎮
其獨不念哉夫導奴為難與奴合謀叫天地問極
惡大逞果有即一日不可不明其罪果無即一日
不可不伸其冤斷不容與諸虛實之間置之疑信
之地使海外人心舉皆喟冤抱痛無所自容也
聖鑑如日明照萬里情偽曲直自無逃遁而三人
成虎十夫撓椎被讒憂傷自古而然一日獲貳二
曰導奴不知此後更有何言職等既聞因極之言
為人臣子何可隱忍終默自甘於導奴為難之歸
也伏乞閣下體諒事情詳細轉奏俾覆盆之下得

見天日之光則職等雖伏僭越之誅死且瞑目矣
無任遑遑憫迫之至

禮部呈文第三

朝鮮國吏曹判書金尚憲戶曹判書南以雄成均
館直講兼司憲府持平金地粹等謹呈為懇乞明
奏快示昭雪事職等以小邦一被携貳之誣再被
導奴之告一日未雪則為天下一日之罪人一月
未雪則為天下一月之罪人剖心瀝血叩首哀鳴
待命彌旬未蒙察納 天門九重無路自遠絕域
之人誰因誰極竊伏聞 聖旨以小邦愛戴中

朝為教託恩如雨死草生春瞻望北闕感淚盈襟
第念携貳之誣雖蒙快雪導奴之寃尚未暴白陪
臣既聞此言惡名未湔何以歸見寡君也毛鎮
所告朝廷以為真也陪臣當先伏刑章明天討
有罪之與若察寡君忠貞之忱則亦宜昭雪誣
寃以勸有邦也近日又聞道路之傳關上搶報據
難民供稱奴酋之生也麗人送來十二包及其死
也麗人一同送喪報中至疑小邦日後有畏奴觀
望之慮云惡是何言也是何言也小邦竭力事大
如子事父寧以國斃不與虜通顛沛艱難萬折必

東天日在上不敢虛妄昔者萬曆壬辰之歲倭酋
秀吉肆言射天首禍小邦宗社為墟兵民靡遺先
寡君昭敬王西奔義州乞師天朝當時之勢可
謂汲汲矣然小邦未嘗一言假借通和於虜庭也
奴賊匪茹犯順今已十年方其陷遼陽入廣寧又
飲馬鴨綠將有蹂躪三韓之志其勢亦可謂盛矣
且毛鎮之掣後藉小邦以為聲援奴之切齒小邦
以此益甚然小邦亦未嘗一介往來通和於虜庭
也矧今鬼誅先加奴酋自斃小醜殘孽不日將除
乃於此時背堂堂父母之邦而結好於奄奄待盡

之賊虜耶小邦舉國殫財以奉毛帥尚患不能贍
而何暇發運軍食遠餉仇讎乎此等事明理者所
可立辨也至如送喪之說亦有可疑向年深河之
後小邦元帥姜弘立等數萬全軍陷虜至今不歸
此輩久在賊中為其所脅不無奴死從喪之理也
若以此指為小邦遣人送喪則豈非冤痛之甚乎
尤可恥者以二百年一心忠順之屬國而遽見畏
奴觀望之疑也夫市有虎聽者惑之曾參殺人慈
母投杼三至之言其效極懾自古忠臣孝子之不
幸遭此者未有不飲恨而抱冤也今寡君之忠

於本朝庶無愧曾參之孝 聖天子明見萬里

又不可比擬於曾母而小邦之送米送喪其埋勢
之不近不止於市之有虎陪臣等區區所恃只在
於此但毛鎮之揭登撫之本難民之供達 朝廷
播遠近天下既以小邦負導奴通使之罪今自大
部敷奏痛辨仍賜宣示再使天下知小邦初無導
奴通使之事然後三韓之民禽獸而為人夷狄而
為華反逆而為忠順矣不然寧死於北闕之下何
忍久蒙惡名容息於覆載之間乎伏乞閣下俯諒
危惴亟行轉奏壹雪極天冤枉之痛不慰絕域傾

獨之心職等無任遑遑惻迫之至

禮部因呈文題本

為懇乞明奏快示昭雪事主客清吏司案呈奉本部送據朝鮮國差來陪臣吏曹判書金尚憲戶曹判書南以雄成均館直講無司憲府持平金地稔等呈前事云云等情呈部送司案呈到部看得屬國之於中朝不啻戴皇天而依父母果懷疑二之心則罪誠莫逭若秉堅貞之節則忠自可嘉今朝鮮陪臣金尚憲等快示昭雪一呈力辨絕無携貳導奴之事為其國主鳴冤訴誣呼天搶地其情孔

臣有不白不休者其所自述道路之傳聞塘報送
來送喪等情雖事在彼中遠隔異域臣部未敢懸
斷其有無而據其迫切之籲詞邇至辰倭難昭敬
王乞師天朝嗟思再造且云二百年一心忠順
十年來援遼血忱或陷虜迫脅之麗人難保無奴
死從喪之事而其國主之效忠竭志孝不愧於曾
參倘不亟為昭雪則朝廷之上遐邇之間天下皆
真以麗人有導奴通使之罪一日難容於覆載之
間揣情度理亦無怪其詞之衆而情之迫也伏祈
聖明垂鑑憫其懇誠賜之溫諭庶屬國君臣不至

以負罪懷疑畏而益堅其忠順之心俾共秣馬厲
兵協力滅奴以為恢復全遼之舉是亦麗人之矢
心以報 聖主者矣緣係懇乞明奏快示昭雪事
理未敢擅便謹題請 旨

奉

聖旨

丙寅十二月十九日尚書李思誠
左侍郎李康先主客郎中張時陽

禮部一本懇乞明奏快示昭雪事奉

聖旨覽朝

鮮陪臣辨雪該國携貳通奴甚晰豈其累世敬恭
一朝背順效逆朕實推心度其無是該國君臣毋
自猜阻尚其益堅乃心戮力同讎以明無他朕亦
永鑒尔忠貞無替柔懷於尔國陪臣金尚憲等具

見輸誠可嘉該部知道

兵部呈文

丁卯三月初九日呈

為妄陳愚見冀脩採擇以固藩籬以恢封疆事職等頃蒙提督臺票祇謁文廟路上見者皆言鮮人不知其國之被兵乎職等初聞未信但自驚訝繼而進于闕下所聞亦如此奴賊之東搶小邦決然無疑矣仍竊念小邦兵單糧少四無助援平日所仰望者唯天朝而已今則海路隔絕緩急不能赴號而毛鎮又兵疲食缺自知氣勢不振江水將合則常入保海島以為避兵之計非但賊來不能

飛到无營雖毛鎮亦無由出陸以見虜馬况望其
協濟小邦之急乎以此料之小邦安危存三不可
知也小邦為天朝守職盡分向年深河之役已
與虜結讐構怨又以毛鎮藉在小邦奴之必欲吞
噬小邦者其心豈頃刻忘也直以内憚關門寧遠
之勢顧念巢穴不敢逞計迨新首用事之始因喪
示弱無故請款圖緩關寧之師乘機驟發悉銳東
向蹂躪我城池虞劉我士民窺覷我王京此其
勢豈獨欲吞小邦而已乎小邦一日不支則毛鎮
一日亦無所依着毛鎮無所依着則彼特揚揚恣

雕專力西犯 皇朝疆場之憂必不止於今日也
然小邦倉猝之際始雖償衄忠義之師終必大奮
誓滅此賊以報 皇恩而靖藩維職等竊想東兵
之交尚未解也雖暫解亦不久復交也誠及此時
速發偏師乘其空虛擣其巢穴使賊首尾牽掣狼
狽莫救則一舉而全遼可復屬國可全群醜可滅
此正難得不可失之機會也堂堂 皇朝廟筭已
定區區小邦陪臣固知不敢妄陳而芻蕘之言聖
人擇焉且係中國邊疆安危之機小邦宗社存亡
之會在此一著不勝痛迫憂憫之至冒昧鈇鉞之

誅敢此仰陳伏乞閣下哀憐而試垂察焉

兵部題本

三月初十日奏

兵部為塘報事准登萊巡撫李塘報前事等因又據朝鮮國吏曹判書金尚憲戶曹判書南以旌成均館直講兼司憲府持平金地粹等呈為臣陳愚見冀脩揀擇以固藩籬以恢封疆事等因到部送司案呈到部臣讀之未竟不覺掩膺歎曰有是哉奴之狂逞狡詐一至此乎臣實至愚極陋不能不為寧撫效一籌也奴自發亂以來九年于茲唯去春寧遠一刳差強人意臣實擊節嘆賞之迨臣填

數中樞與關外有同舟之誼都中見李哈喇之往
方巾納之來議論歧出臣每向人曰款不可信寧
撫可信既以奴如不降必定成擒明告君父想自
有所以報 皇上者臣亦從中贊符之則以他人
任事不免功名念重身家累深寧撫迎老親于孤
城許七尺子 皇上利害死生都置不問真若天
生寧撫為遼東保障者也臣又私心嚮往之今逢
奴攻破安州又騎麗馬攻黃州矣蠢茲大率何遂
鵠張吞食若此尚恭臣子披髮纓冠時乎曩臣以
策應責登撫責毛帥非獨遺寧撫也正謂滅奴復

遼原是該撫專責該撫沉謀遠畫辦賊有餘其伐
謀必有實著出奇必有勝算正不必從旁道破以
泄其九天九地之秘耳寧有狂鋒孔熾屬國沾危
僅以水兵東援不為棄虛之舉耶夫寧遠山海之
間宿將重兵休養日久挑選精銳自足結隊而東
况南有登鎮東有毛帥北有款虜該撫期會並舉
其作正其作奇其作前茅其作後勁何以擣奴之
巢何以邀奴之歸務使奴首尾不能照應驚我軍
自天而下則殲奴酋而復遼疆在此一舉不然守
如處女終不能動如脫兔且勿問無以謝朝鮮恐

奴兵還巢之後併力西向為患正方大也則何如
及今棄奴兵之遠掠刻期渡河先發制人耶夫勝
兵先勝而後戰臣豈敢以遙度之口謬為中制但
據登萊撫臣之報如彼朝鮮陪臣之呈又如此臣
是以痛心疾首不能无一言也伏乞 皇上勅下
撫臣斟酌施行

奉 聖旨

奴兵東犯朝鮮必不能支若鮮折入奴則勢益張
矣著馬上差人說與寧遠撫臣棄奴遠掠巢虛之
時挑選開寧精銳擇智勇之將輕兵直擣大兵陳

河相機續濟江岸奴後而紓屬國之急其糗糧犒
賞師行必需戶兵二部亦宜速議處置毋得遲緩
坐失事機三月十二日也

兵部呈文

丁卯三月十三日
禮部及登州撫院同呈

為仰陳誣冤冀蒙明察事職等竊聞奴賊東搶小
邦陷危藩籬將撤宵旰軫慮徒懷憤痛不揆疏賤
敢攄危衷瀆冒嚴威乃蒙閣下不示譴斥反加憐
愍俯採芻蕘上徹黠鑒明旨赫然天威震疊王
師所向指日待捷實奴賊自滅之時小邦再造之
秋此無非老閣下密勿辰告之猷皇穹眷佑廟筭

必勝區區陪臣之懷感何暇容喙也哉第職等竊有所寃痛者不得不一呼而退也伏聞毛鎮塘報有云麗人恨遼民擾害暗為奴賊奸細欲害毛鎮噫此何言也小邦之失歡於毛鎮初不過參刀紙束之微耳轉展憎嫉日深月積常時搆捏亦已甚矣至於今日居停之地共受兵禍軍民糜爛疆場潰裂宗社存亡決在呼吸而同仇之義少不見憐棄人之厄反以為幸張皇虛說必欲加以不測之名君子之用心豈如是乎雖然此不足多辨也天朝之於小邦恩猶父母也毛鎮之於憲君事同

一家也遼人之於我民義實同胞也天下寧有仇
視同胞欲害一家與讎為謀引入門庭背反君父
而自甘禍敗之理乎萬目所覩萬耳所聽不過時
月朝廷必知小邦之冤狀矣昨者舌官又言閤
下問及小邦與倭為婚夫倭奴本一戾氣所鍾四
海萬國蠻夷戎狄之中未有如此別種也小邦不
幸與之為隣視之如豺狼毒虺不能痛絕稍存羈
縻至於萬曆壬辰之歲欲犯天朝候途為名陷
我八路覆我三都夷先君二墓擄國王兩子此
小邦百世不可忘之深讎也只緣小邦兵微力弱

未易自強 天兵撤回之後勉奉朝廷權宜之策
復許開市要戢寇鈔亦非小邦無故自通於讎虜
也小邦雖僻在海外而久沐東漸之化其於君臣
父子夫婦之道講之有素豈忍與異類忘讎結親
以辱其祖先以羞其臣民以貽醜於天下後世也
流丸止於甌臠流言止於智者閣下試以義理推
之人之為言胡得焉職等無任嚙冤抱痛抑寒憤
懣之至敢此昧罪煩籲伏乞閣下恕其愚而諒其
情

軍門批

四月初九日軍門發
州巡撫部御史李嵩

登鎮先發兵一千今復發兵三千寧遠發陸兵一
萬二千水兵二千五百俱於三四月內東向應援
矣至於該國夙矢忠義竭事天朝不為奴奸細
不係倭姻親業已洞察周知為用辨諭之諄諄也
仰本官啓知國王毋以小挫自沮毋以人言灰
心其惟收合餘燼捲土重來期靖兇氛共圖恢復
繳

禮部呈文 三月十六日

朝鮮國吏曹判書金尚憲戶曹判書南以雄成均
館直講兼司憲府持平金地粹等謹呈為明察事

情痛辨流言事日者再蒙堂票其一問小邦舊國
王不知存否見在何處新國王八道官民等盡
歸順否逃在奴酋地方官是何姓名其一問當時
新王初立麗人未曾盡數統管不知已管地方幾
處未管地方幾處其未管者向是何人管束可一
一寫來還要寫陪臣名字限即日送來者職等即
逐一開錄還憑會同館副使許已為轉報不審果
即呈徹否也且以其時匆匆不暇備述今當辭退
請申其未盡之辭竊照小邦舊國王即位以來信
用奸臣得罪倫紀自絕于天先寡君昭敬王妃

金氏於天啓三年奏聞 皇朝廢為光海君處之
京畿道江華府府去 三京百里許新 國王以
至親之故絕而不殊至今無恙其供衛之具視漢
昌邑王故事新 國王仁孝之德夙洽聽聞中外
大小臣民合辭推戴 寡小君金氏亦具奏聞膺
受 皇朝冊封之典豈有域內未盡歸順之理乎
小邦地方曰京畿曰忠清曰全羅曰慶尚曰江原
曰咸鏡曰黃海曰平安是為八道八道之內無一
官一民不屬 新王者未曾盡繫統管之說一何
誣也萬曆三十七年小邦元帥姜弘立等將官數

十及軍兵二萬餘人隨 天朝總兵劉遊擊喬等
協討奴酋戰敗降虜而此則非逃亡者也惟天啓
四年小邦送臣韓明璉之子韓潤及其從弟韓澤
等亡入奴中常欲勾引奴兵來犯小邦近日塘報
中所謂高麗將二人鑽開二道江者必是此輩也
職等仍竊伏念 天朝之於小邦視均內服毫毛
情偽罔有隱伏况今 天兵駐劄弊境事同一家
小邦之事達於 朝廷者宜無不詳而奈何奸細
之人喜為交構往往做出無形不測之言以亂人
聽慈母之愛不能無三至之惑此陪臣所以痛心

疾首不避煩瀆而隨事陳辨者也今此閣下之問
欲詳外國之事偶然問及耶抑亦不根之言流傳
騰播有駭聽聞而閣下恠而問之將欲祛一心之
疑而破衆人之惑耶伏望閣下揭而明示俾職等
曉然具悉仍將職等前後開錄事情明察而痛辨
之母使流言滋瀆則庶幾奸人自戢屬國永賴職
等不勝區區之願

清陰先生集卷之九

清陰先生集卷之十

清平錄

乙亥三月八日戊午冒雨發石室踰車踰嶺過鷄
山里屈雲驛沿江而行憇大生村崔氏庄故興
叔文別業石山茅屋負山臨水依然有山陽之
感過清平堤蚕室甘泉驛驛前老槐垂陰數畝
昔年到此納涼慶火藝樹心枝條半枯非復曩
觀過加平郡秣馬超然臺下登眺徘徊左江右
谿交會其前高灘惡水噴激喧撼東則疊嶂攢
峯西南荒野地勢高聳俯視窅然慄乎不可久

留江上石棧二十里夕宿安保驛自石室至此
百餘里中間涉五大川水險石多小雨行旅不
通

超然臺

尋春遠客傍山來落日停驂訪古臺飛出海中
鯨戴立登臨磨上蟻旋迴清江翠峽雲雷轉細
草新花錦繡裁二水三山難寫處令人更憶謫
仙才

安保驛

古驛依山口柴荆八九家縈門綠羅水帶岸白

銀沙好鳥歌深樹閑厖睡落花誰知荒僻處獨
自擅華奢

九日己未春川

時經光燠為詩

送馬來迎踰席破巔巔路

峻狹僅通一馬穹林濤怒目眩心悸記壬辰避
寇盡室徒步過此追感愴然渡新淵江望鳳凰
臺臺在昭陽江西澣頗有游觀之美勞憊思息
未暇訪焉宿春川府內自安保至此三十餘里
十日庚申終日雨夕登邀仙堂佳觀滿前不減所
聞

十一日辛酉促行登昭陽亭亭在鳳儀山北去治

所五里許俯臨長江前眺平野近依巖洞遠挹
羣山清晏幽迥不可備述嘗論江湖樓觀之擅
名一方余所歷覽者練光亭愜眼稱心令人樂
而忘歸而逼近閭閻欠超然出塵之想百祥樓
宏濶壯麗浩浩乎如坐空虛之上而有關塞感
慨之思降仙樓清流絕壁映帶欄檻幽閒遼夏
四時俱宜而無敵豁夷曠之樂樂民亭宏濶侔
百祥穩愜遜練光而無有閭閻塞之疵清心
樓帶官村而不戢其近環衆山而不覺其礙曠
然以暢脩然以靜所可議者天造地設自然不

及於以上諸名區畢竟甲乙之第誰最居前而
神遊夢想其在茲亭乎俟與具眼者確論

昭陽亭

三月昭陽江上樓樓前形勝最堪遊地迥天高
擬滕閣渚清沙白似夔州杏花已落桃花老王
孫未歸芳草愁酒酣倚柱發長嘯西山落日射

牛頭

牛頭山名

下亭由舟渡江水清見底沙礫可數過牛頭山
歷扶服遷徑言機入清平洞自春川至此四十
餘里到歡喜嶺下馬觀瀑布阿煥兩亭得亭二

崔弘壽生隨至坐松壇酌數巡清流盤石長松
古木列于左右正值雨後山花盛開水勢益壯
澄映發揮亦一奇也

入山

入洞穿林路百迴隔花遙見有仙臺丹崖翠壁
重重處一道銀川噴雪來

又上數百步有影池水色澄綠山腰見性菴
影其中以此得名池之兩隅築石堰水水若滲
漏易竭而旱不枯水不濫亦可異也環池赤木
四五株其大連抱麗僧懶翁所植云

影池

止水千年一色清上方金碧倒空明客來羞照
星星鬢聊就池邊試濯纓

清平寺本慶雲山普賢院高麗李資玄棄官隱
居于此者三十七年更名清平寺寺前雙池二
碑西則宋建炎四年金富轍紀李資玄事僧坦
然書東則元泰定皇后為太子藏經于此以祈
福利者李益齋譔李杏村書門額慶雲山清平
寺者僧普雨筆殿寮廊序周匝繁麗儼然一大
叢林也近歲髡徒役繁居守者無數百指將為

江陰先生集卷之二
廢刹可惜法堂西北隅有極樂殿亦普雨所建
金碧丹雘僭侈異常寺南洞中有細香院清寒
子所棲止今廢

十二日壬戌觀西川西川在寺西數百步許盤石
凝滑清流映帶高下淺深隨勢停瀾左顧右眄
無不會心悅目樂而忘歸川上有臺仰見芙蓉
峯突兀撐空慶雲峰在其西

西川

清平山中遊三日西川水石景清絕水從石上
來蜿蜒中間豁然開洞天銀漢昭回通玉宇瓊

田仿佛移玄圃松下古壇凝碧苔山風漠漠山
花開同來亦有二三子把酒高吟水聲裡清平
之遊樂無伍安得辭家此中住

由川上右轉六七里入仙洞崎嶇窈窕有小庵
庵後石壁刻清平息庵四大字真樂公筆云舊
誌息庵團圓如醵卯只得盤兩膝默坐其中數
月不出者即此也今之小庵乃後人所建庵後
又有羅漢殿殿前懸流側壁石臺下鑿石二所
真樂公盥盆臺北巖間藏古器嘗雨塌開視流
傳真樂瘞骨處真樂者李資玄易名也

息庵

息庵居士遊何處千古精靈入冥漠
鑱崖刻石留古跡至今未遣莓苔蝕
松陰滿地不見人石壇桃花春自落

自息庵由山腰路狹僅容一跡至見性庵
庵在芙蓉峰下地位最高俯視諸洞壑
檜頂松巔皆在履下又轉一岡有養神庵
頽廢不足觀觀止於此矣

十三日癸亥朝出西川依依戀戀至晚下山訪牛頭寺遺址臨江夷岸為臺形勝亞昭陽亭

出山

仙山欲別幾回頭江路迢迢草色愁林外鳥聲
如送客洞門斜日苦鉤輈

牛頭亭

牛頭山下前朝寺興廢悠悠閱幾年經殿梵堂
俱化盡渚烟江月只依然

春川故貊國山水清峭號為名區精藍寶剎宜
若相望於山林之內而惟清平之名聞於四方
餘無一二可見者蓋清平一洞泉石之義大嶺
以西未有其似造化之巧亦豈非有窮也哉

顏都懷古

太初天子漫勞哉玄菟纔分滄海開休道顏城
無處所漢家宮闕已塵灰

十四日甲子然日雨自昭陽江乘舟江水盛張舟
行甚駛峽山左右奇峰怪石紅新綠釣渚樵
逕花村柳岸可詩可畫老應接不暇到起然臺
拾舟登陸夕宿加平卓家滯雨二日十七日還
石室

出峽

鳳岫山前雨滿衣昭陽江上水初肥誰教好事


龍眠手畫我孤舟出峽歸

崇禎乙亥暮春之下浣石室山人記

清陰先生集卷之十

清陽先生集卷之十







無敵清

三